

要

經

彙

集

米經主教審定

天主教上海教區《要經彙集》

The source and scripts used to compose this
document are available at
<https://github.com/mondain-dev/yjhj>.

目次

徹祭 八

主日經 一〇

耶穌聖名禱文 一〇

早課 一

晚課 二四

瞻禮二 一三〇

煉獄禱文 一三〇

彌撒規程 四

將祭 四

瞻禮三 一三四

正祭 六

天神禱文 一三四

要經彙集目次

2

瞻禮四 一四七

瞻禮七 一七

大聖若瑟禱文 一四七

聖母聖心禱文 一七

瞻禮五 一五五

玫瑰經 一八五

耶穌聖體禱文 一五五

聖路善工 二二三

瞻禮六 一六

耶穌聖心禱文 一六

附錄 省察和告解要式 二四二

早課小引

早上初起身時、即須感謝天主賜我一夜平安不死。又宜求天主、指引我今日能爲善事、不致犯罪。當跪拜天主聖像前誦經如下。

早課

五拜禮

一拜、信天主、一概邪妄之事俱棄絕。

二拜、望天主、保佑全赦我諸罪。

三拜、愛敬至尊至善之主、於萬有之上。

四拜、一心痛悔我之罪過、定心再不敢得罪於天主。

五拜、懇祈聖母轉求天主、賜我善終恩佑。

聖號經

✠以十字、聖架號。

✠天主、我等主。

✠救我等、於我仇。

✠因父、

及子、及聖神之名。

亞孟。

三鐘經

日出正午日沒三時誦

啓：主之天神報瑪利亞。

應：乃因聖神受孕。萬福一遍後同

啓：主之婢女在茲。

應：希惟致成於我如爾之言。

啓：且天主聖子降生爲人。應：居我人間。

啓：天主聖母爲我等祈。

應：以致我等幸承基利斯督所許洪錫。

啓：請眾同禱。

懇祈天主、以爾聖寵、賦於我等靈魂。俾我凡由

天神之報、已知爾子耶穌降孕者、因其苦難、及其十字聖架、幸迨於復生之榮福、亦爲是我等主基利斯督。應：亞孟。

啓：凡諸信者靈魂、賴天主仁慈、息止安所。應：亞孟。

聖母喜樂經

復活時節當念

啓：天上母皇歡樂、亞勒路亞。應：蓋爾攸孕者、亞勒路亞。

啓：符預語復活兮、亞勒路亞。應：爲我等轉達天主哉、亞勒路亞。

啓：童貞聖母瑪利亞喜樂、亞勒路亞。應：蓋主真復活、亞勒路亞。

啓：請眾同禱。天主、爲爾聖子耶穌基利斯督、我等之主復活、

令天下萬民喜慶。懇祈爾、因其童貞聖母瑪利亞、賜我等永享常生之喜樂。亦爲是我等主基利斯督。應：亞孟。

獻功誦

耶穌聖心、我因瑪利亞無玷之心。將我今日祈禱、事工、神形困苦、全獻於爾。用補我等愆尤、成爾諸凡意願。並爲本月內、託會友代禱之要需。

初行工夫

伏望吾主、我等功行、寵照先之、輔翊前進。使我凡諸禱者行者、常自主肇、又賴主訖。爲我等主基利斯督。 亞孟。

早感謝經

感謝吾主天主、庇佑我一夜平善、幸不犯罪。賜我今日生命、復見所造美麗諸物、浩大恩德。我今日求主真光、照我神魂、指引我路、賜我今日勿迷惑顛仆。不幸得罪、是顛仆於地、主速扶救我。俾知痛悔改過、專心憶主。賜我聖寵、恒存於心、我心已足、不圖外物。主原教我、毋聽淫聲、毋視邪色、毋道非禮之言、毋取非義之物、毋踐非禮之地。心毋妄思、意毋妄動、惟使我憶主愛主、至死恪遵規誠。 亞孟。

榮福經

皇皇聖三、又一非二、欽崇榮福。若今茲、若永遠、及無窮世之世。
亞孟。

天主經

在天我等父者、我等願爾名見聖、爾國臨格、爾旨承行於地如於天
焉。我等望爾今日與我、我日用糧。爾免我債、如我亦免負我債
者。又不我許陷於誘惑。乃救我於凶惡。
亞孟。

聖母經

萬福瑪利亞、滿被聖寵者、主與爾偕焉。女中爾爲讚美。爾胎子耶穌、並爲讚美。天主聖母瑪利亞。爲我等罪人、今祈天主、及我等死候。 亞孟。

又聖母經

申爾福、天主聖母、仁慈之母。我等之生命、我等之飴、我等之望、申爾福。旅茲下土、厄伐子孫、悲懇號爾。於此涕泣之谷、哀漣歎爾。嗚呼、祈我等之主保、聊亦回目、憐視我眾。及此竄流期後、與

我等見爾胎普頌之子耶穌。吁、其寬哉、仁哉、甘哉、卒世童貞者瑪利亞。

信經

我信、全能者天主聖父、化成天地。我信、其惟一聖子、耶穌基利斯督我等主。我信、其因聖神降孕、生於童貞瑪利亞。我信、其受難、於般雀比辣多居官時、被釘十字架、死而乃瘞。我信、其降地獄、第三日自死者中復活。我信、其升天、坐於全能者天主聖父之右。我信、其日後、從彼而來、審判生死者。我信、聖神。我信、有聖而公

教會、諸聖相通功。我信、罪之赦。我信、肉身之復活。我信常生。
亞孟。

解罪經

籲告吾主、全能天主。卒世童貞聖母瑪利亞。聖彌額爾總領天神、
聖若翰保弟斯大。聖伯多祿、聖保祿。一切天朝聖人聖女、及司鐸
代天主位者。我今稽首、自訟自承凡思言行、得罪至極。多能爲善
而未之爲、多能戒惡而弗之戒。此罪之故、咸歸於我、天主臺前、痛
心懺悔、拊心 我罪、拊心 我罪、拊心 告我大罪。望吾恩保聖母瑪

利亞、望諸聖人、及諸聖女。爲祈吾主耶穌、赦我諸罪、今者、昔者、解者、忘者。自今而後、賜以聖寵。免我陷惡、佑我行善。挈我升天、享無限福。 亞孟。

大悔罪經

至仁至慈者、天地大君、統一普生、無上真主。我重罪人、爲主所生。今因愛慕吾主至切之情、超於萬物、衷誠深悔、以前種種罪惡。寧願失天下萬福、盡罹天下萬苦、不願稍獲罪於我至尊至善之主。以後決定、堅守主命。一切棄遠陷罪之端、至死無敢復犯。敢望吾

主念聖子耶穌、既爲我等罪人、甘心受難、贖我重罪、必允我祈求。
全然賜赦佑改、恒守至死、獲享無限真福。 亞孟。

天主十誡

- 一、欽崇一天主萬有之上。
- 二、毋呼天主聖名以發虛誓。
- 三、守瞻禮之日。
- 四、孝敬父母。
- 五、毋殺人。

六、毋行邪淫。

七、毋偷盜。

八、毋妄證。

九、毋願他人妻。

十、毋貪他人財物。

右十誡總歸二者、愛天主萬有之上、及愛人如己。

聖教四規

一、凡主日、及罷工瞻禮日、該與彌撒。

二、該遵守聖教所定齋期。

三、該告解領聖體、每年至少一次。

四、該量力供應聖教會之要需。

求恩經

伏望全能至仁者天主、憐恤我等、赦我等罪。導引我等、詣於常生。

亞孟。

吾主今日賜保我等、無以犯罪。

吾主矜憐我等、矜憐我等。

吾主仁慈乞施我等、如我等所望。

吾主俯聽我禱、而我號聲希徹於主。

全能者吾主天主、賜我等至有今日。主之大能拯救我等、庶幾是日、絕無至僻於罪。思言行爲、恪奉主命。爲我等主基利斯督。
亞孟。

天地大君、吾主天主。我等心身、百思言行、今日賜我正之、淑之、引之、治之、俾率於聖教規誡工課。望主救世者、自今迨於無窮、扶佑我等、以庶幸救幸脫。乃生乃王世世。
亞孟。

天主聖母、我等主保、懇爾轉求聖子耶穌。賜我今日力行諸善、不

致陷於三仇之險。 亞孟。

天主天神領守我者。惟上仁慈、託我於爾。今日賜我照護引治。
亞孟。

真福主保聖人女某。求爾於天主臺前、轉求加我神力。賜我今日
遠絕犯罪之端、勉效爾之諸德。 亞孟。

仰惟吾主降福我等、保護於諸凶惡、導引詣於常生。凡諸信者靈
魂、賴天主仁慈、息止安所。 亞孟。

小五傷

一、拜右手之傷。求勇德、以輕世福、不致驕傲。祈吾主、救我等心身。

二、拜左手之傷。求忍德、以勝世禍、不致失望。祈吾主、救親友恩人。

三、拜右足之傷。求勤德、以趨諸善、得升天堂。祈吾主、救煉處靈魂。

四、拜左足之傷。求畏德、以避諸惡、免墮地獄。祈吾主、救犯罪惡人。

五、拜肋旁之傷。求愛德、上愛天主、下愛眾人。祈吾主、救讎仇害我。

向耶穌聖靈誦

懇祈吾主耶穌基利斯督、聖靈恩寵我。耶穌聖軀扶佑我。耶穌聖血酣暢我。耶穌聖肋之水潔清我。耶穌苦難聖死堅勵我。嗚呼、伏求全善耶穌垂允、藏我於聖傷中。勿棄我、勿許我離背。望救我於諸惡仇。迄我死後、召我趨赴主臺前、偕諸神聖、讚揚我主於無窮世。 亞孟。

信德誦

吾主天主。爾至真實、不能虛言。爾又全知、不能舛錯。我爲此信爾是真天主、一體三位、造世贖世、賞善罰惡之大主宰。爾曾許聖教會內、聖神常在訓誨啓迪、是以永不能錯。所有各端道理、皆爾默啓、如爾親口所言無異。我爲此堅心全信。我並願證此信德、雖被萬死不辭。 亞孟。

望德誦

吾主天主。爾至忠信、既許必踐。爾又全能、能踐所許。兼又極慈、肯賜所許。我爲此賴爾聖子之功、望爾全赦我罪、寵佑至終。獲登天國、永享見爾、如爾聖子所許。 亞孟。

愛德誦

吾主天主。因爾從無生我、安養保存、頃刻無間。又降生救我、受難贖我。況爾本性、自有無窮美善、可愛無比。爲此愛爾在萬有之上、及爲爾愛人如己。而愧悔我罪、立志不敢再犯。 亞孟。

聖神降福誦

伏求聖神降臨。從天射光、充滿我心。爾爲貧乏之恩主、孤獨之父、靈性之光。憂者之慰、苦者之安。勞者之息、涕者之樂、我心之怡客也。

伏求聖神降臨。以潔心污、以灌心枯。以醫心疾、以柔心硬、以暖心寒、以迪心履。伏求聖神降臨也。

請眾同禱。 天主、爾以聖神之明、滿信者之心。賜我等聖神光輝、以長至智、以恒安樂。爲我等主基利斯督。 亞孟。

已完工夫

至仁至慈天主、懇念卒世童貞聖母瑪利亞、及諸聖人聖女、祝禱勳勞、俯錄我等、僕隸微績。凡我所爲、或可取者、惟愍視之。其有愆行、惟寬恕之。吾主天主、乃生乃王世世。 亞孟。

聖號經

五謝禮

一、謝天主、生養照顧之恩。

二、謝天主、降生救贖之恩。

三、謝天主、赦罪賜寵之恩。

四、謝天主、賜我進教引我升天之恩。

五、謝天主、自生我等至今、無數之恩。

晚課

五拜禮

聖號經

初行工夫

聖母德敘禱文

啓： 天主矜憐我等。

應： 基利斯督矜憐我等

啓： 基利斯督俯聽我等。

天主矜憐我等。

應：基利斯督垂允我等。

啓：在天主父者。

贖世天主子者。

聖神天主者。

三位一體天主者。

啓：聖瑪利亞。

天主聖母。

童身之聖童身者。

基利斯督之母。

應：矜憐我等。下同

應：爲我等祈。下同

啓：天主寵愛之母。

至潔之母。

至貞之母。

無損者母。

無玷者母。

可愛者母。

可奇者母。

善導之母。

造物之母。

應：爲我等祈。

啓：救世之母。

應：爲我等祈。

極智者貞女。

可敬者貞女。

可頌者貞女。

大能者貞女。

寬仁者貞女。

大忠者貞女。

義德之鏡。

上智之座。

啓：吾樂之緣。

妙神之器。

可崇之器。

聖情大器。

玄義玫瑰。

達味敵樓。

象牙寶塔。

黃金之殿。

結約之櫃。

應：爲我等祈。

啓：上天之門。

曉明之星。

病人之痊。

罪人之托。

憂苦之慰。

進教之佑。

諸天神之后。

諸聖祖之后。

諸先知之后。

應：爲我等祈。

啓：諸宗徒之后。

諸爲義致命之后。

諸精修之后。

諸童身之后。

諸聖人之后。

無原罪始胎者后。

榮召升天之后。

聖玫瑰經之后。

和平之后。

應：爲我等祈。

啓：除免世罪天主羔羊者。

應：主赦我等。

啓：除免世罪天主羔羊者。

應：主允我等。

啓：除免世罪天主羔羊者。

應：主憐我等。

啓：天神來報聖母瑪利亞。

應：乃因聖神受孕。

啓：請眾同禱。懇祈天主、以爾聖寵、賦於我等靈魂。俾我凡由

天神之報、已知爾子耶穌降孕者。因其苦難、及其十字聖架、
幸迨於復生之榮福。亦爲是我等主、基利斯督。應：亞孟。

啓：天主洪佑、永與我等偕焉。應：亞孟。

晚感謝經

感謝吾主天主、庇佑我一日平善、幸不犯罪。賜我今夜生命、浩大恩德。我今求主、賜我今夜勿迷惑顛仆。不幸得罪、是顛仆於地、主速扶救我、俾知痛悔改過、專心憶主。賜我聖寵、恒存於心、我心已足、不圖外物。主原教我、心毋妄思、意毋妄動。惟使我憶主愛主、至死恪遵規誡。 亞孟。

榮福經 天主經 聖母經 又聖母經 信經 解罪經 大悔

罪經

求恩經

伏望全能至仁者天主、憐恤我等、赦我等罪。導引我等、詣於常生。
亞孟。

晝光未盡、祈造物主、以常仁慈、俯垂護佑。夜中邪夢惡像、祛逐絕
遠。亦圉我讎、免穢我身。伏望全能者天主聖父允錫所求。爲我等
主耶穌基利斯督、其偕爾、偕聖神、均生均王世世。 亞孟。

吾主救我寤者、保我寐者。以致寤者、幸偕耶穌、寐者得享安靖。

吾主護佑我等、如目眸者。庇廕我等、於爾翼下。

吾主今夜賜保我等、無以犯罪。

吾主矜憐我等、矜憐我等。廣施仁慈於我等、覆庇神身、並獲安和。
懇祈吾主、照臨此室。仇讎萬計、從此遠驅、爾天神者寓之。乃以安
寧、保守我等。聖寵聖福、永錫我等。爲我等主基利斯督。 亞孟。
仁慈聖母瑪利亞。求爾於天主臺前、爲我轉祈。保我今夜生命、平
安至曉、免陷猝死之阨。 亞孟。

天主天神、領守我者。惟上仁慈、託我於爾。今夜賜我、照護引治。
亞孟。

天主忠臣、我之主保某。爲我懇祈吾主耶穌、賞賜寵光。保護我一
夜平善、神形並賴主慈、不許仇讎侵我。 亞孟。

伏惟全能至仁者天主聖父、及聖子、及聖神、降福保全我眾。 亞
孟。

每晚省察要式

一、奉謝天主、爲其從前、所賜公恩私恩、及當日之恩。

一、祈求天主、加我聖佑、賦我真光、令得識己罪而深惡之。

一、嚴求諸己、當日得罪於天主、或以思、或以言、或以行、或以缺、密審其習惡而痛斷之。

一、伏乞天主、凡有所犯罪過、一切赦之。

一、決定以後、賴天主扶佑、必改諸惡、又立志以時戒之。

天主十誡

小悔罪經

天主耶穌基利斯督。我重罪人、得罪於天主。今爲畏天主、尤爲愛天主萬有之上、一心痛悔我之罪過。定心再不敢得罪於天主。望天主赦我之罪。 亞孟。

領大赦誦

我重罪人、懇祈天主、護佑當今教宗某。賞賜聖教大行、異端消滅、教中元首和睦。未奉教者、普賜進教事主。及垂憐聖教會、賜之諸恩、以至死後、挈我靈魂升天、享無限福。 亞孟。

信德誦 望德誦 愛德誦

向聖若瑟誦

至聖若瑟、膳養吾主耶穌之父、又極淨聖母瑪利亞之配。我今日求爾於天主臺前、作我主保。噫、惟爾爲我主保中首先所敬仰者。求

爾今日收我爲爾之門下。保護我於患難之中、不離我於臨終之時。
亞孟。

向護守天神誦

極尊天地大君神使者。從我人世至今、與我偕、須臾不離。教我善、
懲我惡。抑鎮邪魔、使不得施計、迷害於我。我行、爾指我路。我
怠、爾策我勤。我憂、爾慰我心。我立神功、爾獻於天主。我常得
罪、爾爲求赦。我今追思以往、屢忘爾恩、不聽爾教、不戒爾懲。我
今深悔苦痛、定心立志。以後感謝爾恩、恭敬爾陪、體懷爾情、聽遵

爾教。勉力爲善、再不爲惡、不致爾憂。懇求勿棄絕我、寬裕教我。
使我行善、以至升天、同享永樂。 亞孟。

求爲已亡諸信者誦

天主生人、欲人在世立功、膺主預備之真福。我今爲已亡煉獄眾
靈、在世識奉真主、信從聖教。求主垂憫寬赦、免其苦難、命天神
慶報出期。又賜我今世痛悔往罪、不敢再犯。脫身後永苦、偕諸信
者、享見天主聖容。 亞孟。

向聖母無原罪始胎誦

吁、瑪利亞、無原罪之始胎。我等奔爾臺前、望爾爲我等祈。

右經當念三遍

已完工夫

聖號經

五謝禮

凡在聖堂內、公誦早晚課、應誦上列各經、不准擅加他經。

聖三光榮頌

天主聖父、天主聖子、天主聖神、吾願其獲光榮。厥初如何、今茲亦然、以迨永遠、及世之世。 亞孟。

聖灰經

聖灰瞻禮念起、至聖枝瞻禮前夕止。

天主之言、天主之訓。世中皆微、皆灰而已。昨日出於灰、異日歸於灰。爲灰耶、爲人耶。天主提拔之爲人、不顧、就爲灰。謝聖父聖子聖神、三位一體。天主原以泥土、造成人類。今當謝主洪恩。望主提拔我、賜我常存謙下之心、不生驕傲之念。凡我所思、所言所

行、俱賴主提拔。佑我行善、挈我升天、享無窮福。 亞孟。

聖枝經

聖枝瞻禮念起、至受難前夕止。

天主降榮下福於達味之子。天主居極高、自彼庇廕、自彼廣榮其國。

求爲主教誦

吾主天主、無極仁慈、矜訓我等、設立主教。選擇大德、當此重任、治理教務。付司鐸尊位、施行聖事、救拔吾儕。我今感主教之恩。求主賜之能力、克稱其職撫着我羊、同躋天國。 亞孟。

求爲神父誦

吾主天主、生我贖我、無極洪恩。我從邪干罪、賴主慈憫、命神父傳教。使我認識大主、領聖水、滌除往罪。主知我力弱怠惰、易犯誠命。復令神父持我弱、策我怠、解我罪、訓我立功補愆。我今求主、加佑神父、賜之康寧容智、明徹主旨、洪敷主慈。使我恪遵教規、持守善終。隨我神父、藉其功德、偕享永福。 亞孟。

灑聖水經

望吾主灑我、而我自潔。洗我、而我自白、白於雪。

飯前祝文

天主降福我等、暨此將受於爾、所賜之物。爲我等主耶穌基利斯督。
亞孟。

飯後祝文

全能者天主、所賜萬惠、我等感謝稱頌。維生維王世世。
亞孟。

念天主經一遍

吾主聖名、欽頌榮福、自今而後、迄無窮世。
亞孟。

凡諸信者靈魂、賴天主仁慈、息止安所。
亞孟。

與彌撒禮

彌撒將行、皆鞠躬跪拜、作聖號、誦定心祝文。鐸德詣臺稍退、輔彌撒者、誦解罪經、眾宜默默同誦、同三拊心、以表痛悔真切。見鐸德轉身、即叩首。鐸德就臺右誦經時、宜立、同作聖號、見鐸德下跪、亦跪而叩首。鐸德盥手畢轉身、眾人皆跪、默思吾主、爲我等重罪受難諸恩。舉揚聖體及聖爵時、俱三拊心、眾誦舉揚聖體聖爵各祝文。鐸德領聖體時、眾當以神領受、共沾耶穌大恩。鐸德畫十字祝福於眾、即叩首領受彌撒將畢、鐸

德詣臺右誦經、眾共謝恩。此總撮禮儀大略、已便易曉而已、若其詳、見
彌撒祭義。

彌撒規程

善願五端

恨我一生自作愆尤、並惡古往今來罪過。我若尚能阻止、祈主賜佑
阻之。

讚揚開闢至今德業、頌羨今迄世末善工。我若猶能增廣、祈主賜佑
增之。

願我思言行爲、能具諸聖所具。將具、及克具之善志、爲得愈顯天主光榮。

凡我仇讎辱我面、毀我名、肆害我、陰謀我。弗論何故、悉以真心寬恕。

若能普救世人升天、爲之逐一捐軀、力本不逮、心實甚甘。祈主賜寵遂願。

天主經 聖母經

神父著衣時、當念

信德誦 望德誦 愛德誦 天主經 聖母經

神父灑聖水、當念

灑聖水經

望吾主灑我、而我自潔。洗我、而我自白、白於雪。

天主經 聖母經

與彌撒規程

彌撒禮節、約有三端、曰將祭、曰正祭、曰徹祭。將祭十有八條、正祭九

條、徹祭六條。今撮其略於後、以便日用。

將祭

一、鐸德詣臺退下者、示謙抑不敢當祭、亦以萃一堂之精神、莫不沖凜也。與彌撒者、此時當致心兢業、思我大罪人、參與大祭、虔恭比鐸德更當何如。○當念定心祝文。

定心祝文

至慈之大父、共慰之天主、至恕至寬。令惟一聖子、爲救我眾、釘於十字架上。又垂諭以所獻天主最重之禮、每日復行於聖教會、增益我力。吁、惟此禮、高厚淵微、能闡主愛、能保我等於真福。伏惟佑我有事者專心致敬。庶於如是洪恩、定受其賜。爲我等主基利斯督。 亞孟。

二、鐸德畫聖號、稱天主三位一體之名、以表未有天地之先、獨有一主、而一主內即含三位。以其全能全知全善、造成萬類、即以其無窮福

德、公之於物、使各享受。與彌撒者、至此當敬心感謝天主、造此世界、令我享用、當何等發心奉事乎。○當念鐸德畫聖號經

聖号經

三、鐸德悔罪誦悔罪經、指人生各有原罪、又有自造之罪、必大痛悔、方得拔解。與彌撒者、至此當想一生之罪、真切愧悔、定志遷改、求主赦宥、方敢與祭見天主也。隨輔彌撒者默念

解罪經

四、鐸德上臺、就臺左誦古經一段、指天主未降生前、古聖祈望天主降

生赦贖萬民。與彌撒者、當知降生、誠緣不偶、正欲盡開天路、引我等共升、若肯真心悔罪欽崇、必蒙吾主救援○當念

我重罪人、憶昔古聖人、望吾主降生、救贖我等重罪。求天主聖父之全能、賜我等力量、翼我柔懦。求天主聖子之全知、賜我明悟、啓我昏昧。求天主聖神之全善、賜我真切愛慕、振我懈惰。

五、鐸德就臺中誦經、曰天主矜憐我等、基利斯督矜憐我等、九遍、指古聖痛世罪重、哀求真主、早降臨救世。九遍者、每位哀求三次。與彌撒者、至此當想己罪種種、求赦於聖三。又求聖父全能、賜我

力量。求聖子全知、賜我明覺。求聖神全善、賜我真切愛慕之心。

○當念

吾主、矜憐我等罪人。三遍

六、鐸德將手兩開、復合掌、誦欽崇榮福、上則榮福於天、下則安和於善人、是吾主降生後、天神在空中所歌讚者。與彌撒者、當陪天神讚頌上主、降我人間、務求自新、不負主恩也。○當念榮福經

榮福經

天主受享榮福於天、良人受享太和於世。我等稱頌爾、讚美爾。欽崇爾、顯揚爾。爲爾大榮謝爾。主、天主、天上之君、全能天主聖父。主、惟一聖子耶穌基督。主、天主、天主羔羊、聖父之子。除免世罪者、矜憐我等。除免世罪、受我等禱。坐聖父之右、矜憐我等。蓋耶穌基督耶穌爾惟一聖、惟一主、惟一至上。偕聖神、於天主聖父之榮福。 亞孟。

七、鐸德轉身對眾云、主與爾偕焉、指吾主降生後、傳播於世、爲人類稱慶者與彌撒者、當感吾主降生大恩、幸沐其教、求主加寵、降在我中、永不相離、又求胥人間、人人歸向。○當念

謝主、賜我得知降臨我心中。更求令普天下之人盡知殊恩、罔不歸向。

八、鐸德就臺左開手誦經、隨本日瞻禮之義祈禱。與彌撒者、至此當申達所願於主前、不拘何等、但非惡事、皆可求也。又要知我所宜得、主必賜我、若不宜得而不與、亦當順命聽主命。求之先、當備一事、

事合主之心、求之後、應定一懇懇不倦之念、該我輩求主、關係急切、如何可徒口求、又何可懶求耶。

七祈求

一、求爲聖教宗主。祈主允延德壽、化及萬方。

二、求爲當今元首官長。祈主賜以四方寧靖、五穀豐饒。

三、求爲主教並諸位司鐸。祈主賜以神形兼佑、德化日隆。

四、求爲父母親友恩人。祈主保佑和睦平安、欣勤守誠。及未進教者、棄邪歸正。

五、求爲疾病貧窮患難者。祈主賜以安寧、化殃爲吉。

六、求爲諸異端者。祈主消滅邪妄、咸歸正教。

七、求爲煉處靈魂、及近亡諸信者。懇祈聖母轉求天主、寬煉往罪、早賜升天。

天主經 聖母經

九、鐸德按手經上、誦經一段、指古聖所紀、論天主降生事、與後來符合。又指若翰保弟斯大略在降生前、令人痛改、以俟主臨。與彌撒者、當思凡有阻礙於主者、預爲清辟、以俟主來。

十、移經臺右、鐸德奉香誦聖經、約有七端禮儀、各有深義。一、請經從臺左至臺右、指吾主降生後、聖教從如德亞國傳於他國也。二、鐸德臺中鞠躬、祈主神佑傳教於他人也。三、眾人站立、聽經語、指勃然振起、必欲遵行也。四、奉香於經三次。五、奉燭二座、蓋尊重其經、指經義之美、猶如奇馥之香、而賜人以靈光之照也。六、畫聖號於經於額、於口、於胸、蓋此經、是受釘十字架之主所命者、以畫十字於經額口胸、不但不可生妄想、妄言、妄行、而實當時念時言時行也。七、念畢親經、指經味無窮、含咀不盡也。

十一、鐸德就臺中誦信經、指聖教既傳萬國、人人敬服而信從之。與彌撒

者、想我若非奉教人、得於何處用功耶、當跪同鐸德念。

信經

至我信其因聖神降孕、跪下。

十二、又轉身念主與爾偕焉、上言萬民信從、則真主在人心內、今鐸德轉身慶慰眾人、言主在爾輩中矣。與彌撒者、當想既奉教後、真主親臨、不爲無據、又恐此後或逆主命、復失其寵、難以稱此語也、醒之醒之。○當念

謝吾主、賜我得知降臨我心中。

十三、開聖爵奉面餅、又斟葡萄酒於中、以是二品奉獻、指吾主降世贖人、

不惟以正言訓人、以聖跡立表、且願以己身為祭品、奉獻於天主聖父、以息義怒、爵中酌酒在祝聖後、即是吾主聖血、流注於十字架上、為洗萬罪之寶藥。與彌撒者、至此當想己負重罪、賴主大恩、捨身贖我、我當何如報答。此時當以己身心、俱奉天主、定我一身諸事、悉遵主命、即為天主致命、亦所不辭、以報主恩於萬萬分之一。鐸德兩手、捧面餅祝誦經言。○當念

吾主耶穌基利斯督、至仁至慈。慨發重寶、贖我等罪。兩遍

欽敬聖體仁愛經

至慈吾主耶穌基利斯督、自甘受傷傾血、釘死在十字架上、爲救贖眾罪。又永留聖體大祭、養人靈、醫人心、更顯其愛於無窮極。罪人某等、感受如是洪恩。痛悔往愆、大發心願。將我神形、盡獻吾主。時時欽敬、思慕聖體。懇賜恩佑改過、堅定我心。令我以毫釐仁愛、報主無窮仁愛。得至善終、享天上仁主永遠真福。 亞孟。

鐸德兩手捧聖爵、祝誦經言。○當念

吾主、以此聖血、救我等罪。倘若爲主致命、所深願焉。 兩遍

十四、鐸德盥手、轉身向眾、請虔心同禱。與彌撒者、至此當想、洗心滌慮、固是本分、而一念虔誠、必使洗之又洗、滌之又滌、以至於無復可洗滌、乃爲敬謹之至。○當念向耶穌聖靈誦。

小悔罪經

鐸德轉身向眾、當念

向耶穌聖靈誦

此聖依納爵、日誦原文。

懇祈吾主耶穌基利斯督、聖靈恩寵我。耶穌聖軀扶佑我。耶穌聖血酣暢我。耶穌聖肋之水潔清我。耶穌苦難聖死堅勵我。嗚呼、伏

求全善耶穌垂允、藏我於聖傷中。勿棄我、勿許我離背。望救我於諸惡仇。迄我死後、召我趨赴主臺前。偕諸神聖、讚揚吾主、於無窮世。亞孟。吾主耶穌、爾於斯奇奧之禮、初遺聖愛之表、受難之跡。乞賦我愛爾之誠心。使我如是領爾聖體、可時獲爾救我之洪恩。

十五、鐸德微聲念經、指吾主未受難前、暫居他方、不顯出於如德亞都城、非爲避難、時未至也。又以訓我等、當亂世出處、亦宜相時而行。

十六、鐸德高聲、念三多斯云云、指吾主近受難之期、自遠方、進如德亞都城、雖有不知而妬害者、其敬者、亦不啻億萬、扳花迎接、高聲讚賀。所念三多斯云者、譯言聖、聖、聖、正是讚賀之言也。與彌撒者、至此當思吾主、爲我輩受難、屬其夙願樂爲、而我輩事主最容易者、尚不肯爲、愈可羞愧。又以見事情難定、今日尊敬我之人、即五日後、侮慢我之人。正警人不可輕聽浮言、輒自矜喜也。○當拊心三次、默念、

我罪、我罪、告我大罪。

十七、鐸德合掌、默存祈求天主廣揚聖教會、保佑當今教宗、國家元首、

本主教、及眾司鐸諸品者、並父母親友恩人、及普天下之奉教者。此指吾主受難前一晚、在園中默禱聖父、奉己所受諸苦、代民贖罪、又想我縱受苦尚有不肯感發遷改、辜負我恩者、作如是想、忽然汗血流地。吾主受苦如此、與彌撒者、至此當存想此意、偕吾主、偕鐸德、祈求天主、大開天下人心、教化盛行、使人人不負吾主耶穌至情。○當念

求吾主廣揚聖教會。保佑當今教宗某、本主教及眾司鐸諸品者。並父母親友恩人、及普天下奉教者。

吾主將受難之前一夕、定聖體大禮於宗徒。在山園中作別、爲我等

萬民、默祈聖父、受苦贖罪。尚有不能感發其情、盡解之罪、辜負其苦。作如是想、忽然汗血迸流。內情所發、至慈之恩也。伏祈吾主普化之。

與彌撒者、至此應祈求、爲生者、死者、病者、患難者。

求恩祝文

此聖加祿原文、人能常誦、或彌撒中虔誦、俱蒙

神效。

罪人罪大惡極、無可奉獻聖父。願仰藉吾主耶穌聖體聖血功勞、以獻天主聖父。罪人罪大惡極、無可奉獻耶穌。願仰藉聖母瑪利亞

功行苦勞、以獻吾主耶穌。罪人罪大惡極、無可奉獻聖神。願仰藉諸聖熱愛衷情、以獻天主聖神。罪人專懇耶穌聖母、及諸聖人聖女同祈天主。加佑當今教宗某、及天下諸聖教會、教化衍盛、異端消滅。人民清泰、國土安靖。未奉教者、普賜進教事主。已進教者、普賜遵教立功。在煉獄者、普賜赦罪升天。遭苦難者、普賜平安得所。罪人過惡深重、不敢瑣覲真主。總仰藉天上諸功、普世諸功、獻主臺前。求主早擴聖教、速救萬民、赦我等罪過、拔我等罪根。除我等偏情、加我等力量。守誠行善、以至死後、救我等靈魂升天、允我等祈求、滿所冀願。

亞孟。

十八、鐸德於聖爵上、先後畫許多十字、此指吾主受難日、諸般苦痛也。與彌撒者、至此當感謝主恩、即求主賜我日日負我十字架、隨從吾主。吾輩每日遇難忍之事、為主而忍、又所當行克己之功、皆爲我之十字架也。○當念

願吾主至仁之體、普現寵臨。二遍

正祭

一、舉揚聖體聖爵、指吾主耶穌爲我被釘十字架上、莫大之恩也。與彌撒者、至此思吾主受難、即不靈之物、且表其哀情、我輩人類、可不

感發動心哀悔遷改乎。又有舉揚之義、因吾主耶穌甘下受苦辱、將來天主聖父、必與以審判之權、而加諸萬國萬民之上、爲眾瞻仰。與彌撒者、知受難之恩、又知舉揚之義、則悲喜交集、而愛慕不已矣、跪下即叩首。○當念

舉揚聖體祝文

伏望天主聖父、看吾主耶穌聖體分上、赦我等之罪。

鐸德舉揚聖體、即鞠躬三拊心。當念

俯拜稱謝吾主耶穌基利斯督、甘願以此十字聖架、救贖普世。伏祈

吾主、赦我等罪。 亞孟。

小悔罪經

鐸德跪下、叩首、當念

舉揚聖爵祝文

伏望天主聖父、看吾主耶穌聖血分上、沃我等心身。

鐸德舉揚聖血、即鞠躬三拊心。當念

申爾福、至寶血、吾主耶穌基利斯督、在十字臺上、爲人永福所留下者。

朝拜耶穌聖血誦

每日進堂時、朝拜聖血七次、每次念天主

經聖母經各一遍、務須自首自尾、次第行之。每次朝拜、宜少加存

想、行之不倦、大有神益。

我朝割肉聖血。求賜上智之恩、與絕欲之德。

我朝園中流汗聖血。求賜明悟之恩、與節食之德。

我朝石柱上受撻所流聖血。求賜識見之恩、與仁愛之德。

我朝刺箍聖首所流聖血。求賜敬畏之恩、與謙遜之德。

我朝釘手聖血。求賜善謀之恩、與哀矜之德。

我朝釘足聖血。求賜剛毅之恩、與恒久之德。

我朝剽胸聖血。求賜欽崇之恩、與含忍之德。

一一、神鐸德於聖體上、畫十字聖號五次、指吾主受難、遍身皆苦、而手、足、胸旁、五處重傷、尤非他恩可比、故宜時時誦念、較之感頌眾恩、尤爲吃緊。與彌撒者、日日固誦五傷經、以求五德、此時更宜感激、五傷宛然在目、五德莫然銀欣焉。○當拜誦五傷經。

五傷經

一、拜右手之傷、求勇德。以輕世福、不致驕傲。祈吾主、救我等心身。誦天主經、聖母經、各一遍、後同。

二、拜左手之傷、求忍德。以勝世禍、不致失望。祈吾主、救親友恩人。

三、拜右足之傷、求勤德。以趨諸善、得升天堂。祈吾主、救煉處靈魂。

四、拜左足之傷、求畏德。以避諸惡、免墮地獄。祈吾主、救犯罪惡人。

五、拜肋旁之傷、求愛德。上愛天主、下愛眾人。祈吾主、救讎仇害我。拜畢念

吾主耶穌、極珍至潔、聖體之五傷。我今伏拜瞻仰、真爲耶穌所出、以贖我值之五寶。耶穌所印、以記我之五號。耶穌所啓、以盼我之五眼。耶穌所掘、以飲我之五泉。耶穌所垂、以援我之五縵。耶穌所備、以升天之五門。所以我今懷念深想、不能不心痛衷熱。感激吾主耶穌、贖我、記我、盼我、飲我、援我升天、若此之莫大恩功。懇求吾主耶穌、不以我辜恩大罪、絕我棄我、干犯聖誠、而自失此極珍至潔五寶、五號、五眼、五泉、五縵、五門、無窮之大益。 亞孟。

三、鐸德又合掌默存、指吾主死後、救古聖靈魂升天。故鐸德至此、爲奉教已歿、在煉獄者祈求。與彌撒者、亦當於此致情、蓋理當相通功也。○當念

求吾主、救煉獄眾靈。賴主仁慈、息止安所。 亞孟。

念天主經、聖母經、各一遍。

四、鐸德拊心、以示吾主憐念眾罪人。與彌撒者、至此當悔恨前罪、以求恩赦。○鐸德拊心一次、我等拊心三次念。

吾主矜憐我等。

五、鐸德在聖體上畫十字、望彌撒者、亦當畫十字、拊心三次念。

吾主、救我等罪人。

六、鐸德高聲誦天主經、在天我等云云、我等肉身靈魂、生前死後、所望於主者、全在主經之七求。此時聖體在上、正該感吾主代人贖罪、於此不求、更待何時求乎。故鐸德自己立表、高聲朗誦、教人不可錯過此會。與彌撒者、思平日固誦、而此時同鐸德聲聲喚醒、心神融洽於其中、又爲親切。○當念

天主經

一遍、要默想經中意義、如親對主前求說、

又念

吾主、吾肉身靈魂、生前死後、望於天主。悉在主經之七求、伏惟俯允。二遍

七、面形分開爲三、蓋指吾主在十字架上命終、靈魂與肉軀相離、又復生升天、而加全福於天上人間靈薄三處。又已過現在未來三等人、無不盡被吾主之恩。與彌撒者、思已靈魂與肉身離時、若無功德、安得見吾主而承永福。又思吾主如此大功、三處均庇、敢不在此世、急於戰勝三仇、使古聖先升者、得引手援我、同煉罪者、齊登天

國乎。○當念

我情願與肉身分離、不願離吾主。二遍

八、鐸德請小分面形、畫十字、入聖爵、以示主之安和在爾輩、乃鐸德祝願眾人之詞也。亦指吾主復生後、現慰宗徒曰、我之安和在爾輩中也、宗徒甚喜。與彌撒者、至此當自發一甦生之意、絕去日前罪過、心中光明迅捷、安穩無礙、即是吾主之安和在我也。

九、鐸德叩心痛悔、隨領聖體、聖體系養靈魂之寶藥、必先去罪根、然後用之有益、鐸德雖已悔罪、至此復叩心悔之、恐悔或未盡也。與

彌撒者、當參想此意。不領者、發一熱心、切望求領。將領者、發一喜心、恭迎吾主降我心中。然貴實領、貴神領、不可徒領。○當念神領聖體誦。

神領聖體誦

吾主、我切望領聖體、使我神魂與聖體相依。誠恐罪愆、不能滌淨、不敢輕領。祈吾主、啓我改過遷善、將來定要求領、沾無極恩寵。專心冀願、若恭領之者然。 亞孟。又念救世之天主、救我等。 三遍又念聖體聖母合讚。

聖體聖母合讚

吾主至聖之體、我等願常爲讚美。又我眾共尊之母、卒世童貞聖母瑪利亞無原罪之始胎、並爲讚美。

亞孟。

求領聖體祝文

維茲聖體、領之何爲。耶穌聖身聖血聖魂、無不具備。聖父聖子聖神、允咸赫臨。重罪之人、何容妄領。但吾主勸諭、領者必獲天堂常生、又何敢不領。今我神糧匱乏、力量虛微。願滌我心、願堅我德。慎我言動、行我苦工。提正抑邪、心切神領。庶幾鑒此微誠、不

嫌愚蒙、特賜實領。臨格我心、常存寵照。 亞孟。

領聖體前誦

聖人若翰、自胎時爲聖、嘗謙言曰、罔敢與主釋屣帶。聖伯多祿宗徒之長、尚曰、吾主耶穌、當遠我、勿近我、我乃大罪人。二大聖如此謙遜敬畏、我且如何。我罪惡彌深、曷敢近主。主降世時、療痊聾瞽瘡疾諸人、命死者復活、每與罪人言談坐食。我常得罪、猶如聾瞽瘡疾、如死者然。求主療我活我、望賜聖體。但我罪人、何敢妄領。因主昔有遺言曰、人若不領主聖體、罔能生活。乞賜領受。

亞孟。

十、鐸德跪下、起、開聖爵、當念

解罪經

十一、鐸德捧聖體轉身向眾、當念

捧聖體時誦

卑污罪人、辱主俯臨我心、曷以當之。伏惟吾主特降一命、我心諸疾、必痊癒矣。

十二、鐸德捧聖體送下、當念

小悔罪經

領聖體時誦

隨領聖體念

祈望耶穌靈魂聖我、耶穌聖體救我、耶穌聖血淨我。領畢則止

已領聖體祝文

我謝天主、我感天主。今日臨我胸中、比死後援我升天、厥恩更深、厥功更大。我今永時永日永歲、常憶天主救贖之奇愛。常思聖母

敬供之隆情、常如三王來朝之盛禮。周日存想、一生不變。庶得天主、常存我心、常持我口、常保我身。 亞孟。

領聖體後誦

至仁至慈天主。我受主無極恩惠、無可稱謝、我重罪多惡、思言行爲、無不得罪、身神污穢。主不但不罰我、更寬裕待我。肫切動我、悔恨前愆、改遷無怠。更忘我罪、容我近主、領主聖體。令我神內、得懷上天下地、無比珍美。主在世時、凡誠心近主、無不取益適願。有罪者被化、改惡遷善。病者獲愈、憂者獲慰、苦者獲安、愚者獲

明。今蒙主仁慈、得我罪之赦、我病之愈、我憂之慰、我苦之安、我愚之明。主在我心、爲我心主、求主常居勿棄我。以主聖意、爲我心志、庶恆懷主、須臾不離。善生安死、偕主享主、至於無窮。 亞孟。感謝吾主耶穌、無價珍寶神糧。賜助神力、免陷罪惡、易走天堂之路。 二遍

徹祭

一、鐸德既斂聖爵等物、又請經復過臺左、誦經一段、即轉身仍念主與爾偕焉、示吾主在爾輩中焉。蓋指吾主之教、從如德亞而傳於萬

方、如德亞之民、多反失之、故終必復傳於如德亞。又吾主因救世、而於如德亞降生、終必從如德亞降來大審判。與彌撒者、至此當想未聞教之先、猶可諉於不知、即聞教後、不可不猛省力行、備死後審。

謝吾主、降臨我等中焉。今日乃吾主允我來瞻仰。我今在此、恐不能正心誠意、反開獲罪之端、祈寬恕之。

二、鐸德又誦經謝恩。吾主之恩、當時時奉謝、然或有受恩而不知者、至審判日善惡判露、賞罰公嚴、始知吾主當初、所賜之恩深厚也、

得不感謝無窮乎。與彌撒者、思彌撒之恩難逢、天主今日、使我得與此祭、至審判日、必爲天主所寵、而投誠誦謝、自不能已矣。

三、鐸德又轉身、念主與爾偕焉、此鐸德賀眾人之領聖體、及向與彌撒者、言主在爾輩中焉。又指此生前嚴加修省、必使善念刻刻相續、一刻不間、方爲萬德渾全、而與主翕合也。

四、鐸德又向眾念曰、依此彌撒、允洽各眾之心。願祈求。與彌撒者當轉思彌撒雖畢、而或有忽略錯過、雖與猶不與也、即當退省、日加精進、以得與此大祭爲喜。○當念

今日幸承天主不棄、得與諸天神同堂瞻禮。日後審判、冀免地獄之苦、獲遂升天之望。 亞孟。

五、鐸德畫十字祝福於眾、此時鐸德稱三位一體、祝願奉教者、代天主降福於眾人。又指吾主日後、挈善人同升天國享榮福也。與彌撒者、想日後升天之福、斷當勉勵相警、無使空爲善跡、而致失真福也、○當叩首感謝、畫十字。念

降福祝文

煉獄彌撒不念

伏惟全能至仁者天主聖父、及聖子、及聖神、降福保全我眾。 亞

孟。念畢立起

六、鐸德立臺右、誦經一段、捧聖爵歸、禮畢。古禮以右爲尊、左者、天堂真福之處也、指世界盡時、升天得福之人、永遠在天、讚謝天主。與彌撒者、當思世福至小、至暫、至雜、天福至大、至永、至純。與其徇目前暫且離之小樂、何如圖永遠大且純之真福乎。固凡我同類、隨賢愚貴賤、老幼男女、及殘疾疲癯者、一體隨時誘勸、必以吾

主爲父、在天爲歸、欽崇爲事、日寫其理、日除其礙、日勉其進。與彌撒時、細繹所行之義、與彌撒後、密存所得之精義、以至日後、得明見吾主、人人升天受福、如此、方不負吾主立彌撒之大義、而我等與彌撒之功亦全矣。○彌撒畢當念

吾主耶穌、我專心感謝爾。賜我等與彌撒、見爾於祭品中。沾爾洪恩何樂如之。伏祈爾、俾罪人於此世上、恪守爾命。不敢失望、得升天國。 亞孟。

凡大齋、施捨、克己、功勞有限、惟虔心專情看彌撒奉獻天主、斯受恩無限耳。一、要認天主掌握生死之大權。二、要謝主無窮恩愛。

三、要每日獻此功、補贖所犯之罪、求主赦免。四、望主施恩。昔主降生時、牛驢尚知近主、吾人豈可泛泛忽忽哉。況彌撒時、天主天神俱在主臺前、吾等卑污下賤、敢不恭敬、而反褻瀆乎。奉教與彌撒者、口誦心存、庶無辜此大禮、以共沾大恩也、詳見彌撒祭義。

彌撒後誦

聖母經 三遍 申爾福 一遍

啓：天主聖母、爲我等祈。應：以致我等、幸承基利斯督所許洪錫。
請眾同禱。 衛我助我者天主。民眾號爾、懇即憐視爾固慈祥仁

善。茲因榮光無玷童貞天主之母瑪利亞、及其淨配大聖若瑟、暨宗徒聖伯多祿聖保祿、與諸聖人之代禱。懇祈俯允所求、恩賜罪人悔改、聖教廣揚、脫諸窘難。爲我等主基利斯督。 亞孟。

聖彌額爾總領天神。請爾護我於攻魔、衛我於邪神惡計。吾又哀求天主、嚴儆斥之。今魔魁惡鬼、徧散普世、肆害人靈。求爾天上大軍之帥、仗主權能、麾入地獄。 亞孟。

教宗良第十三、詔飭各司祭於彌撒後、虔誦右經。若信友於是時、一心同誦、當獲益良多也。

教宗庇護第十、又准各司祭、在念前教宗良第十三飭誦經文後、

加誦

耶穌至聖之心、矜憐我等。三遍

求神愛誦

吾天主、賜我諸德、尤望賜我聖寵。能以全心全靈、專志愛爾、如允我愛爾。我望之慰、我心之味、我靈之生命、我神體之安所、我明悟之朗耀。求爾除滅我心之偏情、立一大殿於其中、爲爾永居。使愛情之劍透我心、愛情之味養我靈。噫嘻、何時得遂此願。何時盡

絕不合爾意之情。何時盡克私意而遵守爾旨。何時純不記憶我身、惟記憶我主。何時盡捐諸物諸事於我心、惟獨存我主。何時愛情之火炙熱我心。何時得享爾之愛情。何時賜我得合爾旨、永遠不離於爾。

至仁至慈皇皇聖三、聖父、聖子、聖神、三位一體。教我治我佑我。聖父、爲爾全能、求爾滿我記含於義善、定志在爾。聖子、聖父之上智。求爾賜我明悟、能通微妙事情。聖神、聖父及聖子所發之愛。爲爾無比之善、求爾賜我聖火。照耀我愛欲、永遠不熄不滅。至聖聖三。賜我愛爾、如天神讚美爾、敬慕爾、方爲真愛。

世人母皇、潔淨之華、福樂之原、童貞之鏡、義德之表。求爾分我
希微愛情、能愛爾所愛之子。天上最尊諸天神、以爾愛之火、徧炙
宇宙。求爾諸品勿遺棄我、且煉我心之罪、焚之於愛情烈焰。真福
聖人聖女、何時能同爾諸品、讚美吾主、愛慕吾主。永遠享其榮福。
亞孟。

彌撒中奉香經文

念解罪經後、神父上臺、添香時念。

爲主榮所焚熱、主即聖之。 亞孟。

移經臺右、添香時、念經如前。

念 吾主、以此聖血云云後添香時、念

因聖彌額爾總領天神、侍立香臺右、暨諸聖轉達。望主允降福於此乳香、飴馨享受。爲我等主基利斯督。 亞孟。

鐸德向祭品奉香時、念

主乎、此乳香、承爾祝聖、升爾臺前。望爾降仁慈於我等。

鐸德向臺奉香時、念

我等幸徹爾臺前、如乳香然。吾手之舉、如晚祭然。望主禁持我口、
衛我唇吻之門。俾我心無僻言、以辭飾罪。

鐸德授吊爐於副祭時、念

望主燃我等以真愛之火、於永仁之焰。 亞孟。

謝聖體經

已領聖體祝文

我謝天主、我感天主。今日臨我胸中、比死後援我升天、厥恩更深、厥功更大。我今永時永日永歲、常憶天主救贖之奇愛。常思聖母敬供之隆情、常如三王來朝之盛禮。周日存想、一生不變。庶得天主、常存我心、常持我口、常保我身。

亞孟。

敬拜經

吾主耶穌、以爾聖身、降我心中。我今俯伏恭向、敬拜爾恩、欽崇爾德。深謝爾以全能變化。永留聖體大祭於人間、俾我等常荷神佑。即合天朝神聖、天下人民、亦難報於萬一。懇求吾主耶穌、恕我卑賤、補我虧缺。令我時發熱愛、仰慕天上光榮、讚揚我主無對之尊。亞孟。

愛心經

吾主耶穌、以爾聖軀寶血、願作我等神糧。耶穌聖心愛我至切。我今以愛還愛、以心體心。以後定志改遷、遵守規誡、補贖所犯罪過、至死不敢負恩負愛。懇求吾主耶穌、賜我熱愛之火、以熱我心。亞孟。

感謝經

吾主耶穌、生我養我、救贖於我。今復斂其光榮、以爾尊貴之體、降臨我極污心中、生活我之靈魂。我實感恩無盡、願同天下萬民、稱

頌吾主之洪恩。 亞孟。

祈求經

吾主耶穌基利斯督。懇求耶穌之聖靈佑我、懇求耶穌之聖身救我、懇求耶穌聖傷之血潔淨我、懇求耶穌之苦難聖死、堅我勵我。嗚呼、伏望仁慈之主、垂允我禱、勿棄我、勿拒我、救我於諸仇諸惡。凡我親戚友朋、亦求主加之聖寵神佑、改邪歸正。迨至死後、俾我等獲睹天主光榮。同諸天神聖人、常享永樂於無窮。 亞孟。

奉獻經

吾主耶穌、賜我聖身聖血、常存我心、我固時感時謝。但我罪人、無功無德、無可奉獻於主。懇求吾主耶穌、憐我直誠、納我所獻。我願將靈魂肉身、三司五官、全獻於主。奉獻明悟、願明天主奧理。奉獻記念、願想天主經言。奉獻愛欲、願常熱愛於天主。自今而後、獻我目、不觀非理之物。獻我耳、不聽非理之言。獻我口、不出非理之聲。獻我心、不動非理之念。統獻一身、願用恭敬天主。懇求吾主耶穌、加我神力神勇。 亞孟。

領聖體後誦

至仁至慈天主。我受主無極恩惠、無可稱謝、我重罪多惡、思言行爲、無不得罪、身神污穢。主不但不罰我、更寬裕待我。肫切動我、悔恨前愆、改遷無怠。更忘我罪、容我近主、領主聖體。令我神內、得懷上天下地、無比珍美。主在世時、凡誠心近主、無不取益適願。有罪者被化、改惡遷善。病者獲愈、憂者獲慰、苦者獲安、愚者獲明。今蒙主仁慈、得我罪之赦、我病之愈、我憂之慰、我苦之安、我愚之明。主在我心、爲我心主、求主常居勿棄我。以主聖意、爲我心志、庶恒懷主、須臾不離。善生安死、偕主享主、至於無窮。 亞

孟。感謝吾主耶穌、無價珍寶神糧。賜助神力、免陷罪惡、易走天堂之路。

耶穌聖體禱文

見下瞻禮五禱文

向耶穌苦像誦

吁、純善至溫之耶穌、我今跪伏爾前、憶昔先知達味代爾言曰、彼輩鑽於手足、數予諸骸。吁、純善耶穌、我將此懸擬於目前。傾心熱衷、懇爾禱爾。乘我摯愛極恫、默睹爾五傷時、即以信望愛活潑之情。我罪之真悔、悛改之堅志、銘刻於我心中。

右經系教宗庇護第七位參訂。教宗格肋孟德第八位、與本篤第十四位、先後准定。凡告解領主、於主像前悔心虔誦斯經、且誦時有求主爲聖教要務之意者、即得全大赦、亦可讓於煉靈。後教宗庇護第九位重諭、除告解領主悔心虔誦右經外、又須照常加念其他經、按教宗之意求主、方得全赦。

天主經、聖母經、聖三光榮頌 各一遍

領大赦誦 一遍

主日

欽崇天主聖三

向天主聖三誦

皇皇聖三、聖父聖子聖神、三位一體、全能無始無終天主。我恃主超性之光、信識主全能神智至仁之妙。並信識聖父聖子聖神、無差等之殊。論位敬其各一、論體欽其無二、論榮欽其均平。感謝主造成天地萬物、救贖人罪、降賦神愛。我雖負罪、是主所造所贖所賦。求主憫我、賜我神力、明智愛德。能遵守主誠、闡明主道、愛主萬

物之上。平生行善、至於死後、獲見聖父聖子聖神、全能全智至仁、無始無終一天主、永享無際真福。 亞孟。

向天主耶穌誦

吾主耶穌。我何時能順主命、翕合主旨、捐離世物、專心事主。我雖微賤罪污、望主仁慈寬容。主若遺棄、疇爲怙籲。煢煢無告、疇爲矜恤。主真我父、主真我母、爲我釘死十字架上、償贖我罪。求主賜我遷改、垂愛憫存。賜以聖寵、加益神力、勤修不怠。臨死援我升天、享無窮福。吾主耶穌、至聖至慈、俯憐聖教中人。或背聖

道、懇主默導、開其心目、轉認真主、惟一無二。或我父母昆弟親友
恩人、凡疾痛窘困、及被擄者、求主憐庇。並賜煉靈減苦、速赦升
天。亦爲主聖血寶死、普救若眾。 亞孟。

向聖母瑪利亞誦

聖母瑪利亞、自未有天地、主預簡爲母。從始胎時、已備大福德、
遠超神聖。主特寵異、靈性懿德。平生言行、聖善克修。思念純粹、
明理積衷、光輝表著、非煩學習漸成。誠信堅望、熱愛天主。翕合
聖意、毫不相離。卒世童貞、矢志獨先、開前軼後、無可與擬。專務

修德者、瞻仰聖母、依爲法式。放恣於惡者、思及聖母、莫不轉悔。聖母爲獨孤無告之托、雖至潔不棄污者、雖全善不絕惡者。寬裕聽求、轉達天主、賜之神力、以能轉潔遷善。我今恃聖母仁慈、哀號懇求、勿據罪棄我。使我沒世、奉事我天主聖母、愛敬恩保、如我慈母。 亞孟。

感謝天主誦

吾主天主、造我肉軀、賦我神魂。且先造有天地覆載我、日月照臨我。發生萬物養育我、且令天神護守我。我有罪惡、降生受苦受

難救贖我、建立洗解聖體赦宥我。我受如是洪恩、時時切念、感謝難言。但恨我昏愚柔懦、每爲魔役、弗能報主於萬一。懇求自今而後、開導扶翼。俾我棄絕世榮、趨赴天路。三司五官、全獻吾主。即至捐軀隕命、情甘忍受。斷不敢背忘生養救贖無窮之大恩主。 亞孟。

耶穌聖名禱文

啓：天主矜憐我等。

應：基利斯督矜憐我等、

天主矜憐我等。

啓：基利斯督俯聽我等。

應：基利斯督垂允我等。

啓：在天主父者。

贖世天主子者。

聖神天主者。

三位一體天主者。

耶穌活天主子。

耶穌聖父之耀。耶穌永光之輝。

耶穌榮顯之君。

應：矜憐我等。

啓：耶穌義德之日。

耶穌童貞瑪利亞之子。

耶穌可愛者。

耶穌可奇者。

耶穌大力之天主。

耶穌後世之宗祖。

耶穌大猷之天神。

耶穌至能者。

耶穌至耐者。

應：矜憐我等。

啓：耶穌最順命者。

耶穌良善心謙者。

耶穌愛潔德者。

耶穌愛我人者。

耶穌平安之天主。

耶穌生命之賦畀者。

耶穌諸德之表率。

耶穌熱愛靈魂者。

耶穌我儕之天主。

應：矜憐我等。

啓：耶穌我儕之避難處。

應：矜憐我等。

耶穌貧人之父。

耶穌信者之庫。

耶穌善牧。

耶穌真光。

耶穌永智。

耶穌無窮之美善。

耶穌爲我道路及我性命。

耶穌天神之樂。

啓：耶穌聖祖之王。

應：矜憐我等。

耶穌宗徒之師。

耶穌聖史之傳。

耶穌致命者之毅勇。

耶穌精修之明光。

耶穌童貞者之潔德。

耶穌諸聖人之榮冕。

啓：望主垂憐。

應：耶穌赦我等。

啓：望主垂憐。

應：耶穌允我等。

啓：於諸凶惡。

應：耶穌救我等。

啓：於諸愆尤。

應：耶穌救我等。

於爾震怒。

於魔隱計。

於引誘邪淫之魔。

於永死。

於拂爾默感。

爲爾降孕之聖奧。

爲爾誕生。

啓： 爲爾嬰齡。

應： 耶穌救我等。

爲爾主性之生命。

爲爾辛勞。

爲爾哀禱及受難。

爲爾苦架及被棄。

爲爾疲憊。

爲爾死且葬。

爲爾復活。

爲爾升天。

啓：爲爾建立聖體。

應：耶穌救我等。

爲爾福樂。

爲爾榮光。

啓：除免世罪天主羔羊者。

應：耶穌赦我等。

啓：除免世罪天主羔羊者。

應：耶穌允我等。

啓：除免世罪天主羔羊者。

應：耶穌憐我等。

啓：耶穌俯聽我等。

應：耶穌垂允我等。

啓：請眾同禱。吾主耶穌、基利斯督。爾嘗謂求則得、覓則獲、

叩則爲汝啓。今我求爾、以爾天主聖愛之情、賜我求者、俾得

全心全口全行愛爾、永不輟止讚爾。

吁、我主、賜我常畏爾常愛爾聖名。緣爾攸定於堅愛爾者、時常掌護不息。乃生乃王世世。 亞孟。

瞻禮二 拯救亡者煉靈

煉獄禱文

啓：天主矜憐我等。

應：基利斯督矜憐我等

啓：基利斯督俯聽我等。

應：基利斯督垂允我等。

啓：在天天主父者。

天主矜憐我等。

應：矜憐亡者。

啓：贖世天主子者。

應：矜憐亡者。

聖神天主者。

三位一體天主者。

啓：聖瑪利亞。

應：爲亡者煉靈祈求。

天主聖母。

諸童身之聖童身者。

聖彌額爾。

聖嘉俾厄爾。

聖辣法厄爾。

啓：諸聖奉使天神及宗使天神者。

應：爲亡者煉靈祈求。

真福諸品天神者。

聖若翰保弟斯大。

聖若瑟。

聖教古祖及諸先知者。

聖伯多祿。

聖保祿。

聖安德肋。

聖雅各伯。

啓：聖若望。

聖多默。

聖雅各伯。

聖斐理伯。

聖巴爾多祿茂。

聖瑪竇。

聖西滿。

聖達陡。

聖瑪弟亞。

應：爲亡者煉靈祈求。

啓：聖巴爾納伯。

聖路加。

聖瑪爾谷。

諸聖宗徒、諸聖史者。

吾主諸聖徒者。

諸聖嬰孩者。

聖斯德望。

聖老楞佐。

聖味增德。

應：爲亡者煉靈祈求。

啓：聖法俾盎及聖巴斯弟盎。

應：爲亡者煉靈祈求。

聖若望及聖保祿。

聖葛斯默及聖達彌盎。

聖熱爾瓦削及聖玻羅大削。

爲天主致命諸聖人者。

聖西爾物斯德肋。

聖額我略。

聖盎博羅削。

聖奧斯定。

啓：聖熱羅尼莫。

應：爲亡者煉靈祈求。

聖瑪爾定。

聖尼各老。

諸聖主教、諸聖精修者。

聖教會諸聖大師者。

聖安當。

聖本篤。

聖伯爾納多。

聖多明我。

啓：聖方濟各。

應：爲亡者煉靈祈求。

諸聖主祭、諸聖副祭者。

諸聖會修、諸聖隱修者。

聖女瑪達肋納。

聖女亞加大。

聖女路濟亞。

聖女依搦斯。

聖女則濟利亞。

聖女加大利納。

啓：聖女亞納大西亞。

應：爲亡者煉靈祈求。

諸聖童女、諸聖節婦者。

天主諸聖人、諸聖女者。

啓：望主垂憐。

應：主赦亡者煉靈。

啓：望主垂憐。

應：主允我爲亡者煉靈祈求。

啓：於暫罰之獄牢。

應：主救亡者煉靈。

於煉火之厲烈。

於往罪之穢污。

於離主之痛苦。

啓：爲主降孕爲人之奧。

應：主救亡者煉靈。

爲主臨格人世。

爲主聖誕。

爲主受洗及主聖齋。

爲主十字聖架及主萬苦。

爲主死且葬。

爲主聖復活。

爲主靈奇之升天。

爲施慰聖神之降臨。

啓：於審判之日。

應：主救亡者煉靈。

啓：罪人等求天主子者。

應：主俯聽我等、祈救亡者煉靈。

啓：除免世罪天主羔羊者。

應：主救亡者煉靈。

啓：除免世罪天主羔羊者。

應：主允我爲亡者煉靈祈求。

啓：除免世罪天主羔羊者。

應：主憐亡者煉靈。

啓：天主矜憐我等、祈救亡者煉靈。

應：基利斯督矜憐我等、祈救亡者煉靈。天主矜憐我等、祈救亡

者煉靈。

啓：基利斯督俯聽我等、祈救亡者煉靈。

應：基利斯督垂允我等、祈救亡者煉靈。

啓：在天我等父者。至又不我許陷於誘惑。

應：乃救我於凶惡。

啓：望主俯聽我禱。

應：我號聲上徹於主。

啓：請眾同禱。全能無始無終者天主、諸信者之常安。懇祈俯

聽我等、爲已亡諸信者煉獄靈魂。諸在世之罪、一切賜赦。以主慈佑、俾獲安所、登之天堂、膺主洪恩。亦爲是爾子耶穌基利斯督我等主、其偕爾偕聖神、爲一天主、世生世王。 亞孟。

求爲在教已亡父母親友恩人誦

吾主天主、命我孝敬父母、汎愛眾人、圖報恩人。又教我追思已亡、代爲求主。我今念及父母親友恩人去世之靈魂。在世事主、遵從聖教。我雖無德無功、獻主臺前。求主洪慈裕容、赦我父母親友恩人煉罪。速賜升天、永遠享福。亞孟。

求爲諸信者煉靈誦

天主生人、欲人在世立功、膺主預備之真福。我今爲已亡煉獄眾靈、在世識奉真主、信從聖教。求主垂憫寬赦、免其苦難、命天神

慶報出期。又賜我今世痛悔往罪、不敢再犯。脫身後永苦、偕諸信者、享見天主聖容。 亞孟。

瞻禮三

感戴護守天神

天神禱文

啓： 天主矜憐我等。

應： 基利斯督矜憐我等、天主矜憐我等。

啓： 基利斯督俯聽我等。

應： 基利斯督垂允我等。

啓： 在天天主父者。

應： 矜憐我等。

啓：贖世天主子者。

應：矜憐我等。

聖神天主者。

三位一體天主者。

啓：聖瑪利亞。

應：爲我等祈。

天主聖母。

諸童身之聖童身者。

諸天神之母皇。

聖彌額爾總領天神者。

聖彌額爾護守聖教者。

啓：聖彌額爾克勝魔鬼者。

應：爲我等祈。

聖彌額爾統收靈魂者。

聖嘉俾厄爾侍衛聖母者。

聖嘉俾厄爾來報聖母者。

聖嘉俾厄爾天主遣使者。

聖嘉俾厄爾奉事耶穌者。

聖辣法厄爾引導旅人者。

聖辣法厄爾軀遠魔鬼者。

聖辣法厄爾療愈目瞽者。

啓：諸聖奉使天神及宗使天神者。

應：爲我等祈。

真福諸品天神者。

護守萬國諸聖天神者。

護守省縣等處諸聖天神者。

護守元首官長諸聖天神者。

護守世人諸聖天神者。

供獻人善諸聖天神者。

爲人轉求賞善諸聖天神者。

爲人轉求免罰諸聖天神者。

啓：安慰憂患諸聖天神者。

應：爲我等祈。

先知之師諸聖天神者。

侍立天主座前諸聖天神者。

啓：爲爾純性。

應：求照我等。

啓：爲爾奇妙。

應：求淨我等。

啓：爲爾巨能。

應：求護我等。

啓：爲爾盛愛。

應：求導我等。

啓：爲爾真福。

應：求顧我等。

啓：基利斯督、諸天神之真福。

應：求主俯聽我等。

啓：基利斯督、諸天神之榮光。

應：求主俯聽我等。

基利斯督、諸天神之忻樂。

爲天神昔守地堂之門。

爲天神昔慰聖亞巴郎許其胤嗣。

爲天神昔禁聖義撒格之死。

爲天神昔引聖多俾亞之路。

爲天神昔攜聖祿德、使出淫城、以免同燼。

爲天神昔付聖梅瑟古教之令。

爲天神肅奉耶穌聖誕之時。

啓：爲天神來報牧童以耶穌聖誕。

應：求主俯聽我等。

爲天神進膳於耶穌嚴齋之後。

爲天神顯現於耶穌受難時。

爲天神來報聖徒以耶穌復活。

爲天神扈從耶穌升天。

爲天神屢敗敵軍。

爲天神勉勵致命諸聖。

爲諸天神祈免我等之罪。

爲諸天神祈賜我等同享真福。

啓：除免世罪天主羔羊者。

應：主赦我等。

啓：除免世罪天主羔羊者。

應：主允我等。

啓：除免世罪天主羔羊者。

應：主憐我等。

啓：天主矜憐我等。

應：基利斯督矜憐我等、天主矜憐我等。

啓：在天我等父者。至又不我許陷於誘惑。

應：乃救我於凶惡。

啓：我願稱頌吾主天主、於諸天神之前。

應：我將陟聖殿、而稱頌吾主天主之聖名。

啓：望主俯聽我禱。

應：我號聲上徹於主。

啓：請眾同禱。吾主天主、依爾全知、明鑒天神世人之品、析別

其職。懇祈天主、命在天恒侍爾前之天神、在地降護吾生。爲

我等主耶穌基利斯督。 亞孟。

啓：天主、諭令天神指引我路。

應：扶我勿履石上。

啓：凡人護守天神。

應：恒瞻天主聖父光榮。

啓：請眾同禱。全能無始無終天主、生我賜我靈魂、肖似於主、

又命天神護守。懇祈吾主、賜僕聖佑、率訓遵命、獲免神形

諸患。死後同諸天神、享天堂真福。爲我等主耶穌基利斯督。

亞孟。

向諸品天神誦

天上尊美諸品萬神、天地大君遣使者。爾靈性知愛德能、超絕人類、無可比擬。我冀面覲天主、爾常享見。我切望天上真福、爾久得之、久存之。爾體純神無質。爾欲德向善、恒一不變。爾明德直通、不煩推論。爾寵異尊秩、勿以爾尊健明潔、棄我卑愚弱污。求爾今世訓我愚、振我弱、使我如爾承行主旨、死後與爾偕享永樂。

亞孟。

向彌額爾大天神誦

天地大君、三軍之帥、善神之首、聖彌額爾、保守聖教會。昔日抑
禁邪魔驕傲、使認天主至尊、大能無偶。轉求天主、賜教中諸品級、
聰明剛毅、以能醒悟異端、解明大惑。加之神力誠意、以能體懷仁
義、整肅萬民。爾依主命、世人終時、攜靈魂置之主前、聽斷其行、
辨定善惡。或因善、受賞上升。或因惡、受罰下墮。我亦忝人聖教、
敬謝爾、真切望爾。佑我平生、痛悔前非、以至死後、求主赦我重

罪。 亞孟。

向護守天神誦

極尊天地大君神使者。從我人世至今、與我偕、須臾不離。教我善、懲我惡。抑鎮邪魔、使不得施計、迷害於我。我行、爾指我路。我怠、爾策我勤。我憂、爾慰我心。我立神功、爾獻於天主。我常得罪、爾爲求赦。我今追思以往、屢忘爾恩、不聽爾教、不戒爾懲。我今深悔苦痛、定心立志。以後感謝爾恩、恭敬爾陪。體懷爾情、聽遵爾教。勉力爲善、再不爲惡、不致爾憂。懇求勿棄絕我、寬裕教

我、使我行善、以至升天、同享永樂。

亞孟。

瞻禮四

怙恃大聖若瑟

大聖若瑟禱文

啓： 天主矜憐我等。

應： 基利斯督矜憐我等、天主矜憐我等。

啓： 基利斯督俯聽我等。

應： 基利斯督垂允我等。

啓： 在天天主父者。

應： 矜憐我等。

啓：贖世天主子者。

應：矜憐我等。

聖神天主者。

三位一體天主者。

啓：聖瑪利亞。

應：爲我等祈。

聖若瑟。

達味之榮裔。

聖祖之輝耀。

天主聖母之淨配。

聖母童貞之潔護。

啓：天主聖子之鞠父。

基利斯督之勤衛。

聖家之長。

若瑟至義者。

若瑟至潔者。

若瑟至智者。

若瑟至勇者。

若瑟至順者。

若瑟至忠者。

應：爲我等祈。

啓：忍耐之明鏡。

貧窮之寶愛。

工人之表率。

家居之光榮。

童貞之保護。

家室之砥柱。

苦者之安慰。

病者之希望。

臨終之主保。

應：爲我等祈。

啓：邪魔之驚懼。

應：爲我等祈。

聖教之保障。

啓：除免世罪天主羔羊者。

應：主赦我等。

啓：除免世罪天主羔羊者。

應：主允我等。

啓：除免世罪天主羔羊者。

應：主憐我等。

啓：主立爲己宮之主。

應：又立爲諸產之長。

啓：請眾同禱。天主、爾以莫名之制、特簡榮福若瑟、爲童貞聖

母之淨配。懇祈賜我等、凡在世恭敬其主保者、在天得蒙其轉

達、乃生乃王世世。 亞孟。

求聖若瑟垂佑誦

福哉若瑟、我於困苦中奔赴爾前、既求爾至聖淨配之助、又復切祈爾佑、因爾與無玷童貞天主母相契之情、及爾懷耶穌聖嬰時所發慈愛。哀懇禱爾、念我為耶穌聖血所置嗣業、惠然眷顧、以爾力佑、救我於艱難中。吁、勤慎護守聖家者、保佑耶穌基利斯督之簡裔。吁、至愛之父無任我染邪說物誘諸疫、我大力之主保、自天憐助我與魔交戰、爾往者、救耶穌聖嬰於性命極危、今求爾護主聖會、脫免仇計及諸困厄、並恒保我眾、俾得奉爾為表、賴爾佑翼、在生修德、瀕死熱心、卒獲永福於天堂。

亞孟。

向聖若瑟誦

至聖耶穌之父聖若瑟。爾乃是天主所選、爲照顧聖母童身之貞、看守聖三之寶殿。爾恩受天主默示降生奧妙之事情。在世之時、鞠養萬物大主。今爾在天國、登高品、而享無窮之福。

天主經 聖母經 聖三光榮頌 各一遍

求聖若瑟爲中國大主保祝文

虔恭求爾、爲我等轉達於爾所愛之子耶穌、赦我等罪。又求爾爲中國主保、轉求天主、憐視中國未奉教人。開其心、明其目、使反邪歸

正、能知信望愛之德。通國欽崇、聖教大行、不致邪魔誘惑。及至死後、同升天國、共享真福。 亞孟。

求聖若瑟爲本身每日主保祝文

至聖若瑟、膳養吾主耶穌之父、又極淨聖母瑪利亞之配。我今日求爾於天主臺前、作我主保。噫、惟爾爲我主保中、首先所敬仰者、求爾今日收我爲爾之門下。保護我於患難之中、不離我於臨終之時。 亞孟。

瞻禮五

虔敬耶穌聖體

耶穌聖體禱文

啓： 天主矜憐我等。

應： 基利斯督矜憐我等、天主矜憐我等。

啓： 基利斯督俯聽我等。

應： 基利斯督垂允我等。

啓： 在天天主父者。

應： 矜憐我等。

啓：贖世天主子者。

應：矜憐我等。

聖神天主者。

三位一體天主者。

性命之糧自天而降者。

耶穌聖體人之性命者。

隱藏救世之天主者。

以聖愛永愛吾人者。

與主遊往未嘗有厭者。

與主交友有善樂者。

啓：膏糧及帝王之珍膳者。

應：矜憐我等。

至潔之聖筵與主偕燕有愷樂者。

天神之糧者。

活糧健裨普眾者。

真飲樂普眾者。

敬畏主者之大慰。

主之神氣甘於蜜。

主之遺味超絕諸美。

筒越者之神糧。

啓：生育童貞之體。

應：矜憐我等。

奧蘊之瑪納。

吾生吾德、諸望所從出者。

真道正學之恩所由來者。

天主奇異諸事之標跡。

厚養人之糧者。

聖子降生之本體。

與世游王者。

無玷之綿羔者。

啓：聖祭之聖品及降福之爵者。

應：矜憐我等。

預防諸罪之天藥者。

天主仁愛之首榜者。

恩賜之第一恩賜者。

吾眾罪之恩赦者。

天主恩惠之流溢。

常生之劑。

本體以筵賓者。

天神供案最飴之筵者。

啓：仁愛之聯合者。

應：矜憐我等。

自爲獻品而且爲獻者。

神飴之源者。

諸聖魂之飽飫。

善終之資。

身後真福之質。

啓：望主垂憐。

應：主赦我等。

啓：望主垂憐。

應：主允我等。

啓：於幹冒天主聖體聖血之罪。

應：主救我等。

啓：於肉身之私慾。

應：主救我等。

於目之妄視。

於心之倨傲。

於諸罪過之誘。

爲主同宗徒行聖教大禮者。

爲主至謙濯門徒之足者。

爲主之至愛立聖體之奧禮者。

爲主寶血恒留聖臺者。

啓：爲主聖躬五傷爲吾儕所受者。

應：主赦我等。

啓：罪人。

應：求主俯聽我等。

啓：求賜我等、堅存真信、虔奉主之聖體者。

應：主俯聽我等。

求免我等、陷諸異端與諸惡情。

求賜我等、時受斯至奧至重之鴻恩。

求賜我等、臨終之時、以此聖血撫慰堅定我心者。

啓：天主子者。

應：求主俯聽我等。

啓：除免世罪天主羔羊者。

應：主赦我等。

啓：除免世罪天主羔羊者。

應：主允我等。

啓：除免世罪天主羔羊者。

應：主憐我等。

啓：基利斯督俯聽我等。

應：基利斯督垂允我等。

啓：天主矜憐我等。

應：基利斯督矜憐我等、天主矜憐我等。

啓：在我我等父者。至又不我許陷於誘惑。

應：乃救我於凶惡。

啓：吾至仁至慈之主、建立諸異跡之標。

應：以食諸敬畏己者。

啓：吾主自天畀我之食。

應：自含諸甘馨。

啓：吾主自主聖臺、我等恭領耶穌聖體。

應：吾身心所向而生踴躍者。

啓：望主俯聽我禱。

應：我號聲上徹於主。

啓：請眾同禱。吾主耶穌、活天主子。初因聖父之旨、及聖神之

功、以主寶死、致世人復活者。求爲主聖體聖血之尊奧。脫我於諸罪、及諸凶惡。俾我常依主命、永不遠離於主。

吾主俯聽我籲、療我靈疚。使我既獲主赦、永樂於主之真福。

天主於斯奇妙之禮、初遺主受難之跡者。使我欽崇聖體聖血、可時獲主洪錫。

天主預備不可見之諸美、酬具諸愛德者。乞賦我愛主之誠心、令我事事愛主、且愛主萬有之上。以終獲享主所許真實之永福。

天主聖體、及諸聖誠、咸令我自新、克肖主像。乞導我獲履真道、以主仁慈、實獲主愛之賜、凡所命我輩仰望者。惟爲吾主耶穌基利斯督、偕爾偕聖神、世生世王。 亞孟。

凡諸信者靈魂、賴天主仁慈、息止安所。 亞孟。

瞻禮六

虔敬耶穌聖心

耶穌聖心禱文

啓：天主矜憐我等。

應：基利斯督矜憐我等、天主矜憐我等。

啓：基利斯督俯聽我等。

應：基利斯督垂允我等。

啓：在天天主父者。

應：矜憐我等。

啓：贖世天主子者。

應：矜憐我等。

聖神天主者。

三位一體天主者。

永遠聖父之子耶穌之聖心。

耶穌聖心、聖神所成於貞母胎中者。

耶穌聖心、全體合於天主物爾朋者。

耶穌聖心、無限尊威者。

耶穌聖心、爲天主之聖殿。

耶穌聖心、爲至上者之幕府。

啓：耶穌聖心、爲天主之宮上天之門。

應：矜憐我等。

耶穌聖心、爲愛德之烈窯。

耶穌聖心、爲公義慈愛之聖所。

耶穌聖心、充乎仁慈愛情者。

耶穌聖心、爲諸德之淵。

耶穌聖心、最宜受頌者。

耶穌聖心、爲眾心之王並爲其所向者。

耶穌聖心、爲上智神明諸藏之所在。

耶穌聖心、爲主性全備之所居。

啓：耶穌聖心、爲聖父所忻悅者。

應：矜憐我等。

耶穌聖心、我等成受其盈餘。

耶穌聖心、爲永陵之願望。

耶穌聖心、最耐極慈者。

耶穌聖心、富有以賜禱爾者。

耶穌聖心、爲神明聖德之源。

耶穌聖心、爲我罪之補贖。

耶穌聖心、飽受凌辱者。

耶穌聖心、爲我罪受傷者。

啓：耶穌聖心、至死順命者。

應：矜憐我等。

耶穌聖心、爲長矛所刺透者。

耶穌聖心、爲諸忻慰之泉。

耶穌聖心、爲我生命與復活。

耶穌聖心、爲我安樂與平和。

耶穌聖心、爲贖罪之犧。

耶穌聖心、爲望爾者之救援。

耶穌聖心、爲臨終賴爾者之祈望。

耶穌聖心、爲諸聖人之懽忭。

啓：除免世罪天主羔羊者。

應：主赦我等。

啓：除免世罪天主羔羊者。

應：主允我等。

啓：除免世罪天主羔羊者。

應：主憐我等。

啓：良善心謙之耶穌。

應：懇使我心、似爾聖心。

啓：請眾同禱。

全能永生之天主、垂視爾極愛子之心。及其爲

罪人頌爾、並代行補功。凡罪人乞爾慈憫、懇即息怒赦之。惟

緣爾子耶穌基利斯督之名、其偕爾偕聖神、爲一天主、乃生乃

王世世。 亞孟。

獻心頌

恭獻自己之心求合於主心

至聖之心兮、仁愛泉。聖三之宮兮、重生原。爾情如醉兮、及血流。
振振志兮、永不休。爾爲犧牲兮、用救萬民。爾爲飲食兮、用飽饑
人。心兮心兮、誰知爾志、惟火生火、惟情引情。悲哉悲哉、爾情猶
火兮、我冷似堅冰。爾潔如玉兮、我惟習醜行。爾置載棘兮、我欲
安華枕。爾求辛苦兮、我苦則不寧。嗚呼、我心兮、已焉哉。爾猶匪
石兮、云胡不裂。負心之心兮、已焉哉。

耶穌至善者、心不知爾美、匪心也。耶穌極仁者、人不感爾惠、匪人
也。耶穌大明者、爾心度我心、愛乎否乎、爾心知之。耶穌全美者、

永矢愛爾。我愛若小、爾愛之大、足以大之。我心若冷、爾心之火、足以火之。獨賴我力、力無所能、敬求爾心、始無不及。今我所大欲也、以心易心而已矣。爾心所好、我亦好之。爾心所惡、我亦惡之。爾心所思、我亦思之。爾心所願、我亦願之。夫愛之誠、惟在實行、不在虛言耳。是故我禱於爾、耶穌所貽、我愛之愛、我心之心。懇懇求爾、範鑄我心。爾光照之、令其愛耶穌而生焉。爾火煬之、令其愛耶穌而死焉。爾策圍之、俾其以世俗之樂爲苦、以耶穌之苦爲樂焉。以十字聖木益之、使其研厥價而知厥味、拳拳抱之而繫焉。以耶穌三釘釘之、賜體信望愛三德。克信而無惑、克望而無

變、克愛而無限。

心兮心兮、奚爾見傷。戟兮戈兮、奚不我戕。心中傷兮、喜永不愈。
可愛瘡兮、幸而弗去。噫、耶穌心生之生者。我心既爲爾所取、爾
心既爲我所得。自今而後、拜爾聖心、以爲我行之原、我憂之慰、我
病之痊。我悅之始、我謀之終。我罪之宥、我德之榮。惟佑我生、惟
善我死、聊與爾如一。同睹天國之光、同得永福之慶。

亞孟。

奉獻全家誦

吾主耶穌、我今跪在爾聖心像前、感念爾諸凡恩德、愛慕爾無窮美善。回念爾告聖女瑪加利大、願各國君臣、咸獻於爾。我今體爾聖意、依賴無原罪聖母瑪利亞、及中國大主教聖若瑟轉達、將我全家獻爾聖心。願家中常有信望愛三德、人人勤謹行事、用心祈禱、內外平安。懇求爾仁慈聖心、作吾家主、理我諸務。籲、可愛之耶穌、我將一切景況、無論患難喜慶、全托於爾。求爾降福於生者、亡者、出外者、在家者。凡爲我家之人、莫不保護。倘我儕之中、有人傷爾聖心、求爾寬宥、仍復垂憐。吁、耶穌聖心、爾固慈善無量、我求

爾保佑天下教友、並使中國外教進教、聖教平安。噫、仁愛之海洋、求爾助我全守主誠、卒得善終之恩。用望全家均至天堂、永謝爾聖愛。

亞孟。

瞻禮七

孝敬仁慈聖母

聖母聖心禱文

啓： 天主矜憐我等。

應： 基利斯督矜憐我等、天主矜憐我等。

啓： 基利斯督俯聽我等。

應： 基利斯督垂允我等。

啓： 在天天主父者。

應： 矜憐我等。

啓：贖世天主子者。

應：矜憐我等。

聖神天主者。

三位一體天主者。

啓：聖母瑪利亞。

應：求賜愛耶穌之愛、以熱我心。

瑪利亞聖心、滿被聖寵者。

瑪利亞聖心、天主降福獨隆、超越眾心之上。

瑪利亞聖心、爲天主聖三之安宅。

瑪利亞聖心、與耶穌聖心同心同聖。

瑪利亞聖心、爲耶穌之欣樂。

啓：瑪利亞聖心、爲謙德中至極之謙、亙古莫能幾及者。

應：求賜愛耶穌之愛、以熱我心。

瑪利亞聖心、爲潔淨中至極之潔、無物可能形容者。

瑪利亞聖心、爲慈憫矜憐之府庫。

瑪利亞聖心、爲耶穌熱愛之火。

瑪利亞聖心、爲仁愛無涯之大海。

瑪利亞聖心、爲天主全德聖容之明鏡。

瑪利亞聖心、爲至聖童貞之首。

瑪利亞聖心、爲耶穌寶血之所由生。

啓：瑪利亞聖心、爲救世大恩之夙望。

應：求賜愛耶穌之愛、以熱我心。

瑪利亞聖心、爲罪人肆宥之轉求。瑪利亞聖心、爲耶穌一生言之總贖。

瑪利亞聖心、爲苦刃所刺者。

瑪利亞聖心、於耶穌受難時極其憂悶。

瑪利亞聖心、與耶穌同釘於十字架。

瑪利亞聖心、與耶穌同瘞於石塚。

瑪利亞聖心、於耶穌復活後、歡欣無似、亦如死而復活。

啓：瑪利亞聖心、於耶穌升天時、滿其悅樂。

應：求賜愛耶穌之愛、以熱我心。

瑪利亞聖心、於聖神降臨、又得無盡無窮之寵照。

瑪利亞聖心、爲憂苦之慰。

瑪利亞聖心、爲罪人之托。

瑪利亞聖心、爲恭敬者之仰望。

瑪利亞聖心、爲諸信者臨終之助佑。

瑪利亞聖心、爲諸天神聖人之懽忭。

啓：仰望聖母瑪利亞、至仁至愛、至潔至謙。

應：願將我等之心、合於耶穌之心。

請眾同禱。 吾主天主。爾極聖之心、為救我等於艱難叢集中。賜以至善至慈聖母瑪利亞之心、與耶穌聖心同仁同愛、容我求恩轉達。今惟賴聖母大勳變化我心、仿佛耶穌聖心之聖。為我等主基利斯督。 亞孟。

聖母聖心祝文

惟聖惟神、天主聖神。因爾奇妙之化工、滿界聖寵於聖母瑪利亞之聖心、使為天主之寶座。今我等真切懇求、望主神恩、允我罪人、常

托庇於聖母聖心之內。臨終時、獲享吾主耶穌基利斯督所許之真榮。 亞孟。

向聖母聖心念珠十字誦

恭向敬拜天主聖母、童貞瑪利亞。懇求瑪利亞之聖靈聖我。懇求瑪利亞聖心中、所愛爾子耶穌熱愛之火熱我。懇求瑪利亞之聖步引我。懇求瑪利亞之聖手受我。懇求瑪利亞之聖目憐視我。懇求瑪利亞之聖耳聽我哀呼。懇求瑪利亞之聖舌代我轉祈。懇求瑪利亞之聖軀潔淨我。懇求瑪利亞之重苦堅我勵我。嗚呼、伏望大主

保、仁慈聖母、俯允我求。藏我於聖心中、勿棄我、勿拒我、毋許瞬息或離。救我於諸讎諸惡。迄我終期、容我趨赴爾臺前。偕爾聖子耶穌、及諸神聖、讚揚爾恩德於無窮。

亞孟。

聖母玫瑰經十五端

謹按十五端、系聖母瑪利亞一生之事蹟。即吾主耶穌降生、救贖、受難、復活、升天之大端。

吾人習誦正經、靜心默想、大獲神益。

首一分、包含聖母瑪利亞歡喜五端。

中一分、包含聖母瑪利亞痛苦五端。

後一分、包含聖母瑪利亞榮福五端。

每日、或十五端全誦、或分三次誦。若分三日誦、則首一分、宜誦於瞻禮二日、五日。中一分、宜誦於瞻禮三日、六日。後一分、宜誦於瞻禮四日、七日。主日全誦。

首一分歡喜

歡喜一端 天神朝拜童貞瑪利亞、報曰天主特選爲母

誦天主經一遍、聖母經十遍、聖三光榮頌一遍。後十四端倣此。

獻 盛德崇福童貞瑪利亞。我獻此經、敬祝爾聖寵無涯之喜。昔日天神嘉俾厄爾、奉天主之命、恭報於爾云、萬福、瑪利亞。滿被聖

寵者、主與爾偕焉。又云、天主聖子選爾爲母、將降孕於爾最淨最純之聖胎、爲人救世。爾於是時、俯躬謙言。我乃主之婢女、願賜成於我、如汝之言。

求 今我虔祈聖母、轉祈聖子耶穌、賜我謙遜之德。使我諸凡行爲、自能順承天主至聖之旨。亞孟。

歡喜二端 聖母往見聖婦依撒伯爾

獻 全備諸德童貞瑪利亞。我獻此經、敬祝爾聖性仁愛之喜。天神嘉俾厄爾、又以爾表姐依撒伯爾受娠之奇事、奉報於爾。爾乃大

發熱愛之情、速行往顧。既至其家、伊受孕期及六月。天神報云、宜名若翰。是時若翰在胎、即知爾在伊母之前。又知爾已懷胎、是降生救世之天主。其在胎中、不勝欣躍。聖子耶穌在爾胎中、即赦其所負原祖之罪。依撒伯爾荷天主默照、識爾爲天主之母、不勝歡呼稱讚。女中爾爲殊福、爾胎中子尤爲殊福。我有何德、而煩吾主之母、遠來顧我。

求 今我虔祈聖母、轉祈聖子耶穌、賜我愛人之熱心。又賜我凡思言行、罪過之赦、聖恩之錫。及明達天主事理、超性之識。 亞孟。

歡喜三端 吾主耶穌基督降誕

獻 天主聖母童貞瑪利亞。我獻此經、敬祝爾神聖共慶之喜。爾至聖靈魂、所受爾子耶穌誕生於爾至淨至貞之胎、以救世人。爾至喜至敬、裹以裳衣、置於馬槽、俯身拜爲真天主。此時羣天神、奏樂於空中、讚美天主、慶賀世人曰。天主受享榮福於天、良人受享太平於地。

求 今我虔祈聖母、轉祈聖子耶穌、賜我甘貧之德。使我輕脫世緣、乃得純心、奉事吾主。亞孟。

歡喜四端 聖母獻耶穌於主堂

獻 至貞至潔聖母瑪利亞。我獻此經、敬祝爾聖善令譽之喜。聖子耶穌、當時天神顯揚、牧童即來致敬、三王即來朝禮。聖誕後四十日、爾恭抱前往聖殿、獻於天主聖父。此時有一盛德年高西默盎。又有一盛德節婦亞納、讚揚聖子耶穌、真是救世之主。

求 今我虔祈聖母、轉祈聖子耶穌、賜我或在聖殿、或居別所、時時皆能普揚天主聖名、讚美天主聖容、令諸人、咸知信從。 亞孟。

歡喜五端 耶穌十二齡講道

獻 勤敏神工聖母瑪利亞。我獻此經、敬祝爾暫憂旋慰之喜。聖子耶穌方十二齡、隨爾前往聖殿。歸時、相失耶穌。三日夜、爾心痛苦。三日之後、覓至殿中。及見耶穌上座、與耆年博學之士、講論天主事理。一見、不勝欣喜。耶穌同爾言歸、孝敬事爾、至三十年。

求 今我虔祈聖母、轉祈聖子耶穌、於我患難之際、賜我神慰。使我時時事事、翕合聖意、克謙克孝、誠事天主。 亞孟。

中一分痛苦

痛苦一端 耶穌山園祈禱

獻 高上仁慈之母瑪利亞。我獻此經、默思母心痛苦。聖子耶穌三十三歲、受難之期已至。欲救贖人罪、於前一夕、往山園、三次祈求天主聖父。苦懇至極、通體出流血汗。叩拜天主聖父、乞赦人罪。至夜深時、惡眾捕縛、送於亞納斯。

求 今我虔祈聖母、轉祈吾主耶穌、賜我能求能禱。又賜我應受苦難合天主旨。並能以我真忍、堪承苦難。 亞孟。

痛苦二端 耶穌繫受鞭笞

獻 毅然堅忍之母瑪利亞。我獻此經、默思母心痛苦。聖子耶穌令儀令容、超絕萬眾。今在比辣多衙內、盡褫其衣、繫之石柱、鞭責五千四百有奇。全體剝傷、血流不止。苦痛如是、耶穌默不置辨、有如羔羊。

求 今我虔祈聖母、轉祈吾主耶穌、卻卸我世間私欲之衣。賜我真忍、甘受諸艱諸勞、凡天主所賜於我者。亞孟。

痛苦三端 耶穌受茨冠之苦辱

獻 苦刃刺心之母瑪利亞。我獻此經、默思母心痛苦。耶穌我等主、被惡人以棘茨冠、箍於聖額、聖血通流。又以絳色蔽袍披身、偽拜如王、如此侮辱之甚。

求 今我虔祈聖母、轉祈吾主耶穌、賜我能悉去自滿驕傲之念、並辭一切虛偽之喜。願爲吾主耶穌基利斯督、忍受患難凌虐之刺。庶望身後、可獲榮福之冠、於天上國至於無窮。 亞孟。

痛苦四端 耶穌負十字架陟山受死

獻 寬慰憂患之母瑪利亞。我獻此經、默思母心痛苦。爾極愛之子耶穌、惡黨造一重大十字架、逼令自己肩荷、赴受死之地。負十字架時、一路壓跌難堪。爾隨之慟悼哀傷、泣涕無已。

求 今我虔祈聖母、轉祈吾主耶穌、賜我心中、恒覺如是大痛、憶念不忘、亦如身負重大十字架無異。又賜我能勤荷聖孝之十字。
亞孟。

痛苦五端 耶穌被釘十字架上死

獻 爲義致命之母瑪利亞。我獻此經、默思母心痛苦。耶穌至於受死之地、被人褫衣、釘手足於十字架上。日月失光、口渴與以醋膽。終命時、天昏地震、石相觸碎、若不堪痛。人人拊胸哀悲、萬物慘傷、皆證被難者、爲造物之真主。

求 今我虔祈聖母、轉祈吾主耶穌、藉彼處、忍受痛苦鴻恩、賜我心中能覺悟當時受難之極苦。使我真悔極痛、迅改我一生之罪過。亞孟。

後一分榮福

榮福一端 耶穌復活

獻 心慰神怡之母瑪利亞。我獻此經、頌爾安和之榮福。爾極愛之子耶穌、死後第三日復活、身體極光極美。先往見爾、以解爾憂。將爾前日諸痛諸苦、翻作不可勝言之樂。又欲顯厥至愛、屢亦見於宗徒、暨諸弟子。使皆不勝欣躍。

求 今我虔祈聖母、轉祈吾主耶穌、賜我善心之真樂、靈魂之潔淨光明、一如復活、不敢再陷於死罪。又使我能輕忽世物、若已死亡、

不戀虛妄之福。 亞孟。

榮福二端 耶穌升天

獻 神聖共仰之母瑪利亞。我獻此經、頌爾極隆之榮福。爾子耶穌我等主、既已復活。至四十日後、將欲升天之時、面諭宗徒、分行天下。以天主正教、訓誨萬民。與領聖水、洗罪入教。諭畢、自舉升天。古聖羣從、天神簇擁、隨躋天國、坐於全能者天主聖父之右。耶穌命二天神、下慰於爾、及諸聖徒。留爾於世、以啓照保護焉。

求 今我虔祈聖母、轉祈吾主耶穌、賜我心能脫離世幻、但愛天上

之物。又求爾眷我、顧我、撫護我、行此人世之路、使我畢程、得造天國、永享常生。亞孟。

榮福三端 聖神降臨

獻 上智大能之母瑪利亞。我獻此經、頌爾寵照之榮福、耶穌升天之後十日、爾與宗徒教眾一百二十人、共聚一堂、誦經祈望天主。於辰時聖神降臨、如爾子之所許。迅如風雷、絕無驚恐、賜之撫慰。又有舌形如火、光耀不焚、分置於爾、及眾人之首。於時聖神賜爾以超眾之聖寵、及大聰明。不煩學習、能通萬國方言、傳授聖教。

求 今我虔祈聖母、轉祈吾主耶穌、賜我聖寵及發勇力、勉進善德。
能以專心、普揚天主聖教。 亞孟。

榮福四端 聖母榮召升天

獻 陟天寶座天地元后瑪利亞。我獻此經、頌爾純全之榮福。爾
於六十三歲、耶穌遣天神嘉俾厄爾、來報於爾。天主提爾聖身靈
魂、並躋天國、受安樂榮福。爾將終時、耶穌顯大聖跡、使向時分行
天下之聖徒、咸來辭爾、爾俱一一撫慰。無病無痛、一惟愛慕天主。
身終之後、葬爾聖身。天神空中、奏樂三日。以顯爾子耶穌、令爾

肉身復活。與爾靈魂、同登天國、享無窮福。

求 今我虔祈聖母、轉祈吾主耶穌、賜我臨終時、不陷於邪魔之羅阱。又賜我於此世上、滌惡務善。罪罰已滿、援我升天、見爾聖容、與爾同慶。 亞孟。

榮福五端 天主立聖母於九品天神之上、以爲天地之母皇、及世人之主保

獻 巍巍高位之母瑪利亞。我獻此經、頌爾峻德之榮福。爾已升天國、天主聖父、天主聖子、天主聖神、特立爲天地之元后。寵錫榮

福、超諸天神、及諸聖人。爲我世人、依賴轉達之主保。

求 今我虔祈聖母、轉祈吾主耶穌、憐僕役居此涕泣之谷、賜以聖寵、時垂恩佑。使我死後、得升天國、瞻爾聖容、偕享聖三之永福。亞孟。

奉事聖母經

至聖童貞天主聖母瑪利亞。我某重大罪人、弗敢呼爲主母僕婢役、又不敢侍立聖座前。惟恃主母仁慈裕容、乃敢恪恭奉事。特祈護守天神、暨天朝聖人聖女。鑒我愚誠、代我敬懇慈母。爲我恩保、

導引我等。自今而後、永遠虔恭、無間無畫。望恩保主母、至聖瑪利亞、爲聖子寶血、許我常與主母所愛之眾、迪我動靜咸宜。又爲轉求吾主耶穌扶右我、凡思言行、永不獲罪。迨我終時、挈我靈魂。得瞻聖子全美聖容、及我主母聖顏。 亞孟。

光明五端

二零零二年教宗若望保祿二世在「童貞瑪利亞的玫瑰經」牧函中指出玫瑰經十五端的主題、只包括基督降生、死亡及光榮復活的事蹟、他增添了「光明五端」、是要彰顯基督公開傳教生活的事蹟、

突出基督奧跡中光明的時刻——見證生命與福傳的時刻、以滿全玫瑰經的精神、完整地闡明整個基督的奧跡。

光明一端 耶穌約旦河畔受洗

獻 救世之母聖母瑪利亞。我獻此經、敬祝爾慷慨奉獻之心。聖子耶穌年屆三十齡、辭爾外出傳教、前往約旦河畔受洗、天主聖父呼為喜悅之愛子。受洗後由聖神引入曠野、守齋祈禱四十日。受魔誘惑、三次擊敗、天神前來伺候在旁。天主子、原無須受洗禮、實為我人類樹立謙遜之好榜樣。

求 今我虔祈聖母、轉祈吾主耶穌、賜我謙卑之心、接受洗禮。誠意悔過自新、一心皈依天主。 亞孟。

光明二端 耶穌參與加納婚宴

獻 仁愛之母聖母瑪利亞。我獻此經、敬祝爾助人爲樂之心。宴席時、爾心細緻、發現酒短缺。聖子臺前爾祈求、愛子允諾變水爲佳釀。眾人面前顯權能、門徒確信其爲主。同聲讚美、光榮天主、伏首叩地感主恩。

求 今我虔祈聖母、轉祈吾主耶穌、賜我愛人之誠心、樂於助人、

愈顯主榮。 亞孟。

光明三端 耶穌宣講天國福音

獻 善導之母聖母瑪利亞。我獻此經、敬祝爾循循善誘之心。爾子耶穌傳教佈道雲、天國已近、快來悔過自新、接受主福音、活出新誠命。又將真福八端、公佈於眾、建立和平、正義、真理之國。使天主子民生活於新天新地之聖愛中。

求 今我虔祈聖母、轉祈吾主耶穌、賜我虛心受教、承行主旨、建設基督神國、永享常生。 亞孟。

光明四端 耶穌大博爾山顯聖容

獻 榮耀之母聖母瑪利亞。我獻此經、敬祝爾享主光榮之心。爾子耶穌偕同愛徒登大博爾山、熱心祈禱、神光煥發、顯現天主聖容。愛徒見之、信心倍增、懇求耶穌常住聖山。天主聖父從天降旨、敦促服從天主聖子。

求 今我虔祈聖母、轉祈吾主耶穌、賜我在世遭遇磨難時、仰望基督榮耀、俾能安心忍受暫世痛苦。 亞孟。

光明五端 耶穌建立聖體聖事

獻 聖愛之母聖母瑪利亞。我獻此經、敬祝爾愛人至極之心。爾子耶穌最後晚餐時、明知受難臨近、不願拋棄我等罪人、親立聖體聖事、許諾永留人間。自甘犧牲、作人神糧、養育我等靈魂。又以聖體聖血愛情禮品、伴隨我等奔赴天鄉。

求 今我虔祈聖母、轉祈吾主耶穌、賜我常懷感恩之心、敬拜恭領聖體、以愛還愛、在基督逾越奧跡中獲得永生。 亞孟。

念玫瑰經時、聖三光榮頌後加念

吁！吾耶穌、懇赦我等罪過、免陷地獄永火、爾舉天下人靈、尤其需爾慈悲至亟之靈、左提右挈、悉登天國。

爲罪人們祈禱奉獻誦

吁！耶穌、我行此功、敬以奉獻、爲伸我愛爾之情、爲求罪人悔改、爲懇護佑當今教宗：又爲賠補世人罪惡、上慰聖母無玷之心。

呼籲法蒂瑪聖母誦

每瞻禮七，爲首瞻禮七虔誦此經，每次

可得百日大赦

吁！法蒂瑪聖母、玫瑰之后、往者承爾降現葡國、賜以和平、即消
內憂、並解外患。今我中國、水深火熱、懇迴仁目、憐視憫恤。爾
子中國子女、競趨爾前、奉獻敬禮。望爾大展神能、恩賜渴望之和
平與堅定之信仰、使道德重振、風氣轉移。耶穌聖心與吾母無玷之
心、當能蔭庇中華、平定聖教艱難、使普世萬民、親睦相處、如兄如
弟、繞膝歡呼「和平之后。」 亞孟。

法蒂瑪聖母、爲我等祈。玫瑰經之后、爲我等祈。在天中國之后、爲我等祈。

玫瑰經珠兮、普世萬民之救星；瑪利亞無玷之心兮、罪人所仰望而終身。

求聖若瑟垂佑誦

耶穌受難聖路善工

聖路善工小引

紀念天主耶穌受苦受難、是教友成聖之善法。能使人離開罪惡、勉強德行之道路。因我人類從魔鬼手中救出、由第二位聖子甘受苦難、被釘十字架死而來。所以人想此苦難、及此苦難緣由、爲己之罪。又想至美好之天主、爲至卑賤之罪人、受此大苦、自不得不深恨罪過、願立功勞、以報答其洪恩也。爲此聖教會、常提醒人紀念

耶穌苦難。並用多法、引人紀念。

溯自耶穌受難在日路撒冷以後、其地即名聖府、常有人往拜其遺跡。歷代教宗、爲勸勉人到聖府恭敬耶穌苦難、准給許多恩赦。但因普天下之人不能盡到聖府、得此恩典。教宗乃准於通都大邑、建造仿佛日路撒冷聖府者多處。准教眾朝拜、亦得恩赦、一如親到聖府者然。後因建造之處雖多、尚不能盡滿眾人之意。又擴充恩典、使遠方教友、盡能沾此洪恩。其法、即准造十四座十字架、以擬在日路撒冷聖府、耶穌受難之十四處。格肋孟德第十二重准從前教宗所頒恩赦、並諭凡拜此苦路、默想耶穌後難之事、而果遵聖教會

規矩、真心痛悔定改者、能得恩赦、亦如親到聖府者然。本篤第十四所准亦如此。並定多少規矩、以善行此神工。又勸各處司鐸、在各本堂內舉行之、引人得此恩典。蓋行此聖路善工、於教眾大有裨益。不但爲得歷代教宗所准恩赦、更能使存想耶穌在十字架上受苦受難之事。而心中感動、或改過自新、或保存義德。總而言之、此乃最中天主聖意之神工也。

歷代教宗究頒幾多恩赦、因年久失傳、無從查考。庇護第十一爲使此事確實清楚、用其至上權能、將以前教宗所頒全限大赦、一律取消、復定新律如下。凡教友靈魂上無大罪、按教宗意求主、默想耶

穌苦難。私自或公共按規熱心拜苦路者、每次得一全赦、或爲自己、或爲煉靈皆可。如月內拜苦路十次、而領聖體者、或當日曾領聖體者、則拜苦路時可得另一全赦。凡教友拜苦路時、因故中斷、不能繼續再拜者、則其所拜苦路、每處可得十年限大赦。

爲得苦路大赦、並不規定告解領主、惟須靈魂上無大罪。故於拜苦路前、最好發一上等痛悔。至於舉行聖路善工之法、該有十四座十字架。由有權之神父、得本區主教允准、而祝聖安置之。安置之處、或在堂內、或在公所、凡潔淨幽靜者都可。第一座及第十四座兩十字架、都該放在祭臺或經臺兩旁。其餘十二座按次排列。隨地方

寬窄、爲相隔之遠近、略表吾主、從比辣多衙門至墳墓、多經路耳。朝拜時、該當按次一一跪拜、念所當誦之經。倘人眾、一人領經、眾人應之。若只一人、自起自應可也。如有不識字者、只按次默想各十字架處耶穌所受之苦難而念天主經聖母經、各一遍。拜畢、又念天主經、聖母經、聖三光榮頌、各五遍、紀念耶穌五傷。

又念天主經、聖母經、聖三光榮頌、各一遍、按教宗意、求爲聖教廣揚、異端消滅。凡遇罷工瞻禮之日、並嚴齋內瞻禮六日、爲紀念耶穌苦難至大之洪恩、均當念苦路經。其餘別時、隨自己本意、能殷誠心誦念、爲益莫大焉。

朝拜念經默想之規

祭臺前作好聖號經念以下悔罪經文

吾主耶穌基利斯督、是真天主、亦真人、造世救世贖世者。我到爾臺前、如久離本家之敗子、又如失路無牧之羊。心中愧悔、莫可名言。今恃爾之仁慈、悔恨一生罪過。不但因失天堂之福、得地獄之刑。實因得罪爾無窮美善可愛之大父、造成救贖我之恩主。伏求因爾所受苦難。赦我往罪、依靠爾聖血功勞、真心定改。從今以後、寧死再不敢犯罪。 亞孟。

奉獻神工天主、我等在爾臺前、想爾爲人受難無限之愛情。求爾將此神工、相合於爾無窮聖血功勞。教宗所准恩赦、我都願得。或爲煉獄中親友恩人、隨爾之意。因此懇爾、爲爾之聖教廣揚、異端消滅、及凡教宗所定者。

首唱者叩拜念天主、爲爾所受之苦難、矜憐我等。眾應亦然。走行往第一處

第一處

在第一座十字架前跪下、後做此。

首唱者叩拜念耶穌基利斯督、我等欽崇爾、讚美爾。

眾應爾因此聖架救贖普世。

後各處做此

此第一處。發顯吾主耶穌在比辣多衙門、受鞭子刺冠厲害苦難之後。皮肉寒冷、血脈流空、諸骨盡露。比辣多聽惡人言語、判斷耶穌該死。默想我的靈魂、你想想。那時吾主耶穌、雖然受鞭子

刺冠厲害的苦、何等樣安心忍受、聽比辣多定該死之刑。這都爲聽天主聖父、打發祂、爲救贖人的命令。你看這樣順命、痛悔你從前背主命之罪惡、對耶穌云。祈求吾主、我之天主。爾爲救我、受

無數凌辱苦難、及惡官之判斷。因爾寶死、救我永遠之死。亞孟。

首唱者念在天我等父者云云、眾應我等望爾云云。首唱者念萬福

瑪利亞云云。眾應天主聖母瑪利亞云云。首唱者叩拜念天主、爲爾所受之苦難、矜憐我等。眾應亦然。

若從第一座十字架、到第二座十字架、相隔幾步、走時亦該念此二句、不拘多少遍、下諸處倣此。

第二處

此第二處。發顯吾主耶穌聽了比辣多審判該死、惡人強耶穌仍穿本衣服、使人認得。又拿一重大木十字架、令之肩負。默想我的

靈魂、你想一想。吾主耶穌肉身疼痛流血、無人憐惜。受惡人許多

凌辱、把十字架放在身上、何等樣喜歡背負、走此苦路、爲救你。你今跟隨耶穌、向耶穌云。 祈求我可愛救贖之主、雖爾之仇人將十字架放爾身上、爾甘心爲贖我罪、總不推辭。我自今以後、何敢推辭爾所賞賜、爲聽爾命之十字架、求爾壓服我之偏情、爲能隨爾之意、補贖我罪、承行聖命。 亞孟。

第三處

此第三處。發顯吾主耶穌背粗重十字架、肉身力盡筋疲、惡人腳踢手拉、故此跌倒在地。 默想我的靈魂、你想一想。天神的主宰、

天地的君王、跌倒在人腳下、雖被惡人踐踏、及諸凌辱、總不出一言。此乃教訓你、當如何忍受他人凌辱及諸病苦、無惱無怨。祈求我之天主、我因爾之壓跌、認我罪很大很重。我今痛悔求爾、以後在患難時、賞我效法爾之忍耐良善。 亞孟。

第四處

此第四處。發顯吾主耶穌背十字架、路上遇見聖母瑪利亞。默想我的靈魂、你想一想。吾主耶穌見其母親及聖母見可愛之子、彼此心中如何疼痛、如何憂苦。及彼此心中共相憐惜。聖母見可愛

之子卑賤凌辱、滿身流血。吾主耶穌明認母親心內悲傷。此時景況實在可憐、你今對聖母云。 祈求聖母瑪利亞、我之慈母。我是爾子耶穌受苦之緣由、本不敢得爾之矜憐。但爾無窮仁慈、爲我求爾之耶穌、饒恕重罪。及在臨終時、遇見耶穌、領我至天堂永福之所。 亞孟。

第五處

此第五處。發顯惡人怕吾主耶穌傷重就死、不能到加爾瓦略山受釘、雇一外方人、名叫西滿、幫助背十字架。 默想我的靈魂、你想

一想。耶穌如今對你說、西滿所背的十字架、我願你一生常背、蓋耶穌命你忍受祂所賞於你的苦、爲補前罪、是即你的十字架也。如聖經上耶穌說、誰願跟隨我、該背自己的十字架。就是該忍受天主所賞的患難貧病、及各人本分當盡之苦勞。 祈求天主耶穌、我從

今以後、定要聽爾命、跟隨爾背十字架、忍受爾所賞之世苦。爲補贖我罪、及躲避永遠地獄之苦。 亞孟。

第六處

此第六處。發顯有一勇敢聖婦、見耶穌臉上血汗唾污、就分開惡黨、到耶穌跟前、用白帕擦其聖面、聖容就印在帕上。默想我的

靈魂、你想一想。此聖婦的勇敢、雖惡黨眾多、不能阻她行此熱愛耶穌之事。你定真實志向、憑無數三仇內外誘惑、當勇敢隨德行的道路、為報答耶穌、為你受難的恩典。祈求吾主耶穌、因爾

無窮愛情、受難時留此印像。求爾重新聖容印爾聖容於我心、永遠不滅。效法此聖婦之勇敢、為能隨爾、及去諸阻我恭敬爾之事。亞孟。

第七處

此第七處。發顯吾主耶穌出城時力乏、第二次跌倒。聖傷重開、聖血重流。默想我的靈魂、你想一想。你的大父、跌在地下、受惡

黨壓服、眾人恥笑。你把耶穌的謙遜、與你的驕傲彼此比較、耶穌是天主、聖父的真子、今在眾人以下、卑賤至極。你原來是土、犯罪更爲卑賤、反願在眾人以上。你今速悔謙卑、向吾主耶穌云。祈

求吾天主、我可愛之耶穌、爾爲消滅我之驕傲、跌倒在眾人足下、受無數輕慢凌辱。求爾賦我心中真謙之志向。不斷爲補贖我罪、認己無能、並爲效法爾之心謙、能得靈魂平安。亞孟。

第八處

此第八處。發顯許多婦女跟隨吾主耶穌、出城外流淚慟哭。耶穌回頭驚醒、乃說、你們不要哭我的苦難、當哭你們的罪惡、因此罪惡、實爲我受苦之緣由。默想我的靈魂、你想一想。耶穌很大愛

情、雖在將死之時、不斷教訓人、當如何傷痛流淚、救己靈魂。該效法當日那些婦女、並聽耶穌教訓、哭你沒良心、憐愛耶穌、向耶穌云。祈求吾天主、爾既訓我如何痛哭。爾賞我聖寵、一生不斷傷痛流淚、哭從前罪惡、實爲爾受苦之緣由。亞孟。

第九處

此第九處。發顯吾主耶穌到加爾瓦略山下、肉身力量甚乏、第三次跌倒、聖傷全裂、聖口振開。默想我的靈魂、難道你見耶穌第三

次跌倒、還不動心麼。如德亞國人切願耶穌上山被釘、恐祂死在半途、催祂快走。你若常常犯罪、是學惡人的狠心。不斷難爲耶穌。如今快快離開犯罪的機會、向耶穌云。祈求吾主耶穌、爾既爲我跌倒、受很大窘難。爾可憐我、赦我從前所犯之罪、賜我聖寵、再不敢難爲爾、釘爾在十字架上。亞孟。

第十處

此第十處。發顯吾主耶穌到加爾瓦略山上、惡人強剝去衣服、連皮肉都帶去、聖傷重開、聖血重流。惡黨又把酸醋苦膽、強耶穌嗑、加增其苦。

默想我的靈魂、你想一想。吾主耶穌爲潔淨之源、在眾人前、身無衣服、如何羞愧。及受重苦以後、又嗑酸苦的東西、如何受得。這些都爲救你、爲補贖你喜穿華衣、喜食美味、諸快樂肉情之罪惡。你今定改毛病、向耶穌云。祈求吾主、吾天主。爾既受此凌辱、爲補我罪。求賜我聖寵、克制肉情、並躲避各樣世上虛假光榮。

亞孟。

第十一處

此第十一處。發顯惡黨放吾主耶穌在十字架上、用大鐵釘穿透祂的手足。默想我的靈魂、你想一想。你的救贖恩主、釘在十字架、

手足如何疼痛。又想十字架苦刑、是如德亞國那時極凶極重之刑罰。吾主耶穌本來無罪、受此苦架凌辱、爲消滅你肉身上私欲偏情的罪惡。你速定改諸罪、把你私欲偏情釘在十字架上、向天主云。祈求全能天主聖父、爾子耶穌已爲我罪人釘死。求爾看其苦難、饒恕我往日之罪。及賞我勇敢、爲能壓服肉身之偏私。 亞孟。

第十二處

此第十二處。發顯吾主耶穌聖身懸在十字架上。惡黨搖動、聖傷重開、重流聖血。豎立十字架在土中、兩旁又釘二盜、惡眾大聲譏笑咒罵。其時太陽失光、地動山開、石相觸碎、墳墓自辟。堂中帳幔從上而下分開。默想我的靈魂、你想一想。其時加爾瓦略山

是何景像。天地萬物真主、釘在十字架上。諸無靈的物、認造成之主受難、顯其憂苦。但受難的緣故、非關萬物、實因你的罪惡、豈無靈之物、尚覺憂苦。你有靈的心、竟不動流一滴淚、爲哭耶穌的苦難、及痛恨給此苦難的緣由麼。當真心痛悔、向被釘耶穌云。祈

求吾主耶穌、我之天主、我之凶惡罪過、即爾所受苦難之緣由。我今明認此大關係、真悔所犯罪惡。懇求因爾所流之聖血、洗我靈魂、赦我諸罪。我真心定、永遠不敢得罪吾主。 亞孟。

第十三處

此第十三處。發顯吾主耶穌死後、有人卸下聖屍、聖母接抱在懷中。默想我的靈魂、你想一想。聖母瑪利亞、見可愛之子已死、抱在懷中、如何痛苦。諸位聖女及聖若望宗徒見恩主死後淒涼、如何悲傷。你效法聖母及諸聖的痛苦悲傷、哭耶穌的死、並虔心向

聖母及諸聖云。

祈求聖母我慈母、我今斷絕從前釘耶穌之罪、爲減少爾之痛苦。定真志向、以後寧死再不敢得罪爾子耶穌。諸聖人聖女、俱爲我轉求吾主耶穌、赦我罪、加我神力、使我永不復犯。亞孟。

第十四處

此第十四處。發顯聖母同聖人聖女等、送耶穌埋葬墳墓、蓋以石板。默想我的靈魂、你想想。聖母瑪利亞及諸聖用大石掩墳、不見耶穌、心中如何慘傷、如何憂悶。你想到其間、心若不動、明

顯爾沒良心、及無痛悔往罪的憑據、倘爾心如鐵石、毫不動情。今把叩拜吾主耶穌的墳墓、思念爲你所受之諸苦難、向耶穌云。 祈

求吾主耶穌、我今朝拜爾救贖之墳墓、明見爾這樣愛人至極。我今傷心憂悶、痛哭流淚、暨聖母瑪利亞、及諸聖人聖女悲傷。懇求爾、因此埋葬之功勞、賞賜我消滅於諸罪、晝夜紀念爾之苦難於我心。亞孟。

首唱者叩拜念天主、爲爾所受之苦難、矜憐我等。 眾應亦然。到祭

臺前、首唱者念耶穌基利斯督、我等欽崇爾、讚美爾。 眾應爾

因此聖架云云。

首唱者念耶穌園中祈禱、大發憂悶、汗血遍地。

眾應耶穌基利斯督、我等欽崇爾、讚美爾。後倣此。

耶穌被茹達斯負賣、惡黨如捕賊然。

耶穌被妄證多罪、教首審問如罪人。

耶穌被唾面打嘴、掩障聖目、訕毀聖名。

耶穌被惡人棄絕、過於大罪人把拉把。

耶穌被綁縛於石柱、受鞭打苦刑。

耶穌被刺箍聖首、棘刺深入於腦。

耶穌無罪而問死罪、親背十字架登山。

耶穌負十字時、路上力乏、幾次跌倒。

耶穌手足被釘於十字架、在兩盜中。

耶穌仰求聖父赦仇、恩賜右盜升天。

耶穌在架上語徒若望、表聖母爲我等慈母。

耶穌將終曰渴、惡人飲以酸醋苦膽。

耶穌死後肋膀被刺、血水盡流。

首唱者念我等欽崇讚美救贖者天主、可愛的大父。天地萬物俱爲我欽崇讚美之。因其受無窮苦難、捨己生命、爲救贖犯命的人類。我等尋思如是恩惠、當狠羞愧己之沒良心。真心悔恨前

罪、向耶穌云。天主耶穌基利斯督、天地萬物大主、人類之救贖。我在爾臺前、認我之錯、告我之罪。及明知所有過惡、真該萬死。但我恩主、今依靠爾、爲我所受之苦難、所流之聖血、真切悔恨前罪。在天地萬物之前、立心定志、一生悔恨補贖、寧死再不敢犯。懇求看爾無窮救贖功勞、饒恕我、賞我聖寵、以後隨爾、全守爾之命令。 亞孟。默存片刻。

耶穌苦難經

吾主耶穌、在十字架上、全身處處受傷。手足有鐵釘、頭上有刺冠、口嘗醋膽、膚被鞭笞。且明知自己、受此無數艱難、尚與許多人無用、內心憂悶之苦、更甚於外刑。天主爲我如此、我爲天主、不肯離世俗一些之樂、不肯受世俗一毫之苦、有此理否。耶穌受苦、爲補贖我罪、我明知之。今我不從其命、犯罪時豈不輕慢此大恩麼、豈不更加耶穌憂悶麼。

不論什麼人、耶穌甘受其殘傷。宗徒背之、如德亞人告之、外教人害之、司教國主、官員兵民人等、齊心共殺之。因耶穌受難、爲

救各種各類之人、所以受各種各類人之苦、我們一總也在其內、若或無信德、或時時犯罪、或無愛慕耶穌之心、還使得麼。

此時聖母何在、在十字架旁哭泣、看耶穌受苦、並不是世俗母子之情、蓋合自己愛人之心、同耶穌之愛、一起獻大祭於天主聖父、以救世人。故聖母爲救世之母、我們個個人、都該學聖母、仰瞻於十字架旁、獻其無盡之功、爲自己犯的罪過、爲別人所犯的罪過、求開恩、求動心、求不負耶穌之苦功。

念天主經、聖母經、聖三光榮頌、各五遍、爲恭敬耶穌五傷。

又念天主經、聖母經、聖三光榮頌、各一遍、求爲聖教廣揚、異端消

滅。作聖號、工畢。

省察和告解要式

先念「伏求聖神降臨」云云或天主經一遍、求天主光照我的明悟、使想得出我的罪、並能發出真心痛悔。然後依照天主十誡、聖教四規、和七罪宗、用心查察。

一 省察的要式

第一誡 不念經。做異端。

第二誠 罵天主。罵天罵地。

第三誠 主日上不望彌撒。或望不完全、不做瞻禮。不罷工。

第四誠 不聽父母的命。不聽長上的命。父母不管教兒女或屬下。

第五誠 打人、罵人、恨人。記仇、不肯和睦、立壞表樣、賭錢。

第六誠 邪淫的行事。邪淫的話。

第七誠 偷人家財物。買賣欺騙、暗地損壞人家的莊稼財物。拾

到東西不還。

第八誠 說虛話。冤枉人。誘毀人。

第九誠 想邪淫。願意邪淫。

第十誡 想偷東西。

聖教四規 不守大小齋。

七罪宗 驕傲。慳吝。貪饕。忿怒。嫉妒。迷色。懶惰。

二 告解的要式

罪已察完、必須痛悔、定改。後到神父面前跪下、求神父降福。後

在神工架子上跪下、說明上一回幾時辦了神工、聖體領過幾次。後

按著十誡、四規、七罪宗告明。

告完罪後說、求神父赦我一升的罪，另外犯某誡的罪、後聽神父的

教訓。謹記神父罰的補贖。神父念赦罪經後來、該說、求神父許

我隨便領幾次聖體。禮畢、退去跪下、謝謝神父。後念補贖經。